



07377

月令輯要卷十五

八月令

星天道

日在角

禮仲秋之月日在角集說角在辰壽星之次也

中星

禮昏牽牛中旦觜觶中淮南子注牽牛北方元武之宿觜觶西方白虎之宿

律中南呂

禮律中南呂集說南呂酉律長五寸三分寸之一增史記律書八月律中南呂者

言陽氣之旅入藏也淮南子斗指酉酉者飽也律受南呂南呂者任包大也又南呂之數四十八主八月

月令輯要

卷十五

八月令

天道

一

白虎通八月謂之南呂何南者任也言陽氣尙有任生薺麥也故陰拒之也嚴巨川詩南呂初開律金風已戒

盲風至

禮盲風至疏秦人謂疾風為盲風

雷收聲

禮雷始收聲注雷始收聲在地中動內物也

辰星見漢西

增左傳星孛大辰疏八月之昏角星與日俱沒大辰見於西方天漢在箕斗之

間於是時天漢西南東北斜列于天大辰之星見在天漢之西

贊陽秀物

增國語五閭南呂贊陽秀物也注八月日南呂坤六二也榮而不實日秀南任也陰



任陽事助
成萬物也

辰伏

原夏小正辰則伏傳辰謂星也伏也者入而不見也

雷入地

增漢書五行志于易雷以八月入其卦曰歸妹言雷復歸入地則孕毓根核保藏蟄蟲避

盛陰

招搖指酉

原淮南子仲秋之月招搖指酉晉書樂志八月之辰謂為酉酉者緝也謂萬物皆緝

縮也

天關黃道

增星經角二星東方首宿南左角名天津蒼色北右角為天門黃色中間名天關八

月令輯要

卷十五 八月令 天道

月日在北南去北辰九十一度凡日月五星皆從天關行為黃道

秋門

增說文酉為秋門萬物已入

豆花雨

原歲時廣記荆楚歲時記云豆花雨乃八月雨也

裂葉風

增歲時廣記裂葉風八月風也

仲商

原梁元帝纂要秋仲商亦曰仲商

日月會壽星

增天衍星分圖八月酉日日月會于壽星

小春

增田家五行八月中旬作熱謂之潮熱又名八月小春

霜降信

增田家雜占八月中秋氣前後起西北風謂之霜降信未風先雨謂之料信雨

節序

宵中星虛

原書宵中星虛以殷仲秋傳宵夜也春言日秋言夜互相備虛元武之中星亦言七

星皆以秋分日見以正三秋

餞日

原書寅餞納日傳餞送也日出言導日入言送因事之宜蔡傳以秋分之暮夕方納之日而識

其景也

祭月

原禮祭月於坎疏祭月於坎謂秋分也

月令輯要

卷十五 八月令 節序 三

壯月

原爾雅八月為壯

夕月

原國語少采夕月註夕月以秋分增隋書禮儀志禮天子以秋分夕月於西郊漢以郊泰時其夕西向揖月魏文譏其煩褻明帝太和

元年八月己丑夕月於西郊始合於古

辰角見

增國語辰角見而雨畢唐書曆志秋分後五日在氐十三度龍角盡見時雨可以畢矣

秋至

增管子以夏日至始數九十五日謂之秋至秋至而禾熟

白露

增內經寒風曉暮蒸熱相薄草木凝烟濕化不流則白露陰布以成秋令白居易詩八月白露

降湖中水方老旦夕秋風多衰荷半傾倒

金發

丙經金鬱之發夜零白露林莽聲悽

微霜降

漢書五行志

辰星効角亢

淮南子辰星以八月秋分効角亢

斗指庚

淮南子處暑加十五日斗指庚則白露降音比仲呂

斗指酉

淮南子白露加十五日斗指酉中繩故曰秋分雷戒蟄蟲北鄉音比麋賓孝經緯白露

後十五日斗柄指酉為秋分陰生於午極於亥故酉其中分也

蓐定

淮南子秋分蓐定蓐定而禾熟

月令輯要

卷十五

八月令

節序

四

白氣出兌

易通卦驗秋分日入酉白氣出直兌此正氣也

黃陰雲

易通卦驗白露黃陰雲出

白陰雲

易通卦驗秋分白陰雲出

釋鐘鼓懸

京房易侯占秋分而人君釋鐘鼓之懸

候南極星

春秋元命苞直弧北有一大星為老人星見則治平主壽常以秋分候之晉書天

文志老人一星在弧南一日南極常以秋分候之南郊唐月令註明皇生于八月以仲秋日月會于壽星

特置壇用千秋節日祭老人星及角亢七宿著之常式

鶴警露

增春秋感精符八月白露降鶴即高鳴相傲風土記鳴鶴戒露此鳥性警至八月白露降

流于草上滴滴有聲因即高鳴相警移徙所宿處慮有變害也

通世本垂作鐘秋分之音也

樂用鐘

增樂緯兌主秋分樂用鐘五經通義鐘者秋分之氣萬物至秋而成堅成不滅絕莫如金

故金為鐘相繼不絕也風俗

通世本垂作鐘秋分之音也

日在內衡

增孝經說秋分日在內衡

增月令章句自軫六度至亢八度謂之

壽星之次

增月令章句自軫六度至亢八度謂之壽星之次白露秋分居之鄭之分野

祭社稷

增孝經援神契仲秋穰禾拜祭社稷宋書禮志祠大社帝太稷常以歲八月秋社日祠之

月令輯要

卷十五

八月令

節序

五

大梁

增天文錄胃昴趙之分野自胃七度至畢十二度於辰在酉大梁之疆也八月之時白露始降

萬物堅成而彊大故曰大梁

秋社

增何承天社頌余以永初三年八月大社聊為此文實惟陰祗稷為穀先率育萬類協靈昊乾

霸德方將世號共工厥有才子實曰句龍稱物平賦百姓熙雍唐堯救災決河流江棄亦播植作又萬邦克配二祀以報勳庸歲云其秋晷漏均程牲牢既潔嘉薦惟馨乃家乃國是奉是尊舊唐書中宗紀神龍元年改秋社用仲秋東京夢華錄八月秋社各以社

糕社酒相賚送貴戚宮院以豬羊肉腰子妳房肚肺

鴨餅瓜薑之屬切作碁子片撈

滋味調和鋪於飯上謂之社飯

種大小麥

齊民要術崔寔曰凡種大小麥得白露節可種薄田秋分種中田後十日種美田

農政全書種麥八月白露節後逢上戊為上時中戊為中時下戊為下時種須簡成實者棉子油拌過則無蟲而耐旱

兌王

周易集解說言乎兌崔憬曰秋分則兌王而萬物所說

不雩

六典早甚則修雩秋分已後雖旱不雩

籠鷺

增會稽志鷺一名春鋤步於淺水好自低昂故曰春鋤也色雪白頂上有絲毳然長尺餘欲

取魚則弭之山陰瀕水人家多畜之皆馴不去惟白露一日必籠之不然飛去

月令輯要

卷十五 八月令 節序 六

宜良外甥

增東京夢華錄八月秋社婦女皆歸外家晚歸即外公姨舅皆以新葫蘆兒棗兒為

遺俗云宜良外甥

市學社會

增東京夢華錄八月秋社市學先生預斂諸生錢作社會以致雇倩祇應白席歌唱

之人歸時各攜花籃果實食物社糕而散

天蝦

增桂海蟲魚志天蝦狀如大飛蟻秋社後有風雨則羣墮水中有小翅人候其墮掠取之為鮮

社日詩

增玉海咸平二年八月戊午社宴近臣於中書作社日五言詩賜之屬和

聚燕臺

增帝京景物畧采育東南二十里有阜高一丈廣三四十尺曰聚燕臺歲秋社燕辭巢日

必各將其雜數千百聚此臺
呢喃一二日然後分翔而去

日屬火

增紀曆撮要白露日屬火難種菜蔬

入霑

增楊升菴集蜀西南多雨名曰漏天杜子美詩鼓角漏天東是也自秋分後遇壬謂之入霑吳

下曰

分社前後

增通攷秋分諺曰分社同六月低田盡叫

斗米換
斗米換

天人會月

增黃氣陽精經秋分之日月宿東井之地

月令輯要

卷十五 八月令 節序 七

魂明八朗之芒受陽精日暉吐黃氣於玉池諸天人悉採玉樹之華以拂日月之光月以黃氣灌天人之容故秋分是天人會月之道也

秋判日

增雲笈七籤古人以秋分之日為秋判之日所以爾者秋分之日乃會九天八地衆真人

神上皇至尊三日三夕共定萬民之命所聚議者咸多而神尊竝集故也

求仙慎秋分

增雲笈七籤仙忌真記日子欲昇天慎秋分罪無大小皆上聞以罪求仙仙甚

難是故學道為心寒

三素雲

增雲笈七籤秋分清旦南望有素赤黃雲者是南極真人上皇赤帝三素雲也存禮密祝

三見雲輦
白日昇仙

避社翁

增居家宜忌秋社日人家襦祿兒女俱令早起恐社翁為祟與春社同

膏澤

增農政全書汜勝之書曰夏至後九十日晝夜分天地氣和以此時耕田一而當五名曰膏澤

日次

初一日

周宣占夢

增魏志周宣傳周宣為郡吏太守楊沛夢人曰八月一日曹公當至必與君杖飲以

藥酒使宣占之是時黃巾賊起宣對曰夫杖起弱者藥治人病八月一日賊必除滅至期賊果破

月令輯要

卷十五

八月令

日次

八

寄女斫蛇

增搜神記東越閩中有庸嶺高數十里其西北隙中有大蛇長七八丈大十餘圍土

俗常懼或與人夢或下諭巫祝欲得啗童女年十二三者都尉令長共請求人家生婢子兼有罪家女養

之至八月朝祭送蛇穴口累年已用九女將樂縣李誕家有小女名寄應募欲行父母不可禁止乃告請

好劍及咋蛇犬至八月朝懷劍將犬先將數石米餚用蜜麩灌之以置穴口蛇便出頭大如困目如二尺

鏡聞餚香氣先啗食之寄便放犬犬就嚙咋寄從後斫得數創瘡痛急蛇因踊出而死於是寄女緩步而

歸越王聞之聘寄女為后

五明囊

原述征記八月一日作五明囊盛取百草頭露洗目明目增梁簡文帝眼明囊賦序俗之

婦人八月旦多以錦翠珠寶爲眼明囊因競凌晨取露以拭目

栢葉露原續齊諧記弘農鄧紹嘗八月旦入華山採藥見一童子執五綵囊承栢葉上露皆如珠

滿囊紹問用此何爲荅曰赤松先生取以明目言終便失所在

食薯蕷子增杜蘭香傳杜蘭香以建興四年春數詣張碩至其年八月旦復來出薯蕷子三枚

大如雞子云食此令君不畏風波辟寒溫

許旌陽拔宅上昇增十二真君傳許遜舉孝廉拜蜀旌陽令慕道棄官歸師大洞君吳

猛傳三清法要至太康二年八月一日於洪州西山舉家四十二口白日拔宅上昇

月令輯要卷十五八月令日次九

縱觀書籍增宋會要淳化元年八月一日秘書監李至請李昉宋琪徐鉉及學士侍郎給諫舍

人等詣閣觀御書圖籍帝知之詔賜御筵出書籍令縱觀

擬獻大言賦增玉海淳化四年八月丙辰朔上草書宋玉作大言賦以獻其詞曰聖人興兮告成

功登崑崙兮展升中上覽賦嘉賞詔褒之

蟹輸芒增圖經本草蟹俗傳八月一日取稻芒兩枝東行輸送其長故今南方捕蟹差早則有銜

芒須霜後輸芒方可食之

天醫節增潛居錄八月朔以盃盛取樹葉露研辰砂以牙筋染點身上百病俱消謂之天灸古人

以此日為天醫節祭黃帝岐伯

鴈門開增經鉏堂雜誌八月初一鴈門開懶婦催將刀尺裁

初三日增八月三日

置司田叅軍增唐會要景雲三年八月二日庚寅敕諸州置司田叅軍一員

大理國表貢增玉海熙寧九年八月二日大理國奉表貢金裝碧玉山氈扇刀劍犀皮甲

初三日

幸安樂西莊增唐詩紀事景龍三年八月三日幸安樂公主西莊李適詩平陽金勝鳳凰樓

月令輯要卷十五 八月令 日次 十

沁水銀河鸚鵡洲綵仗遙臨丹壑裏仙輿暫幸綠亭
幽前池錦幔蓮花艷後嶺香爐村藥秋貴主稱觴萬
年壽還輕漢武濟汾遊

增孔廟冕戟增玉海崇寧四年八月三日增文宣王冕十有二旒是年詔文宣王廟立戟二

十四改
用鎮圭

白居易八月三日夜作增露白月微明天涼景物清
草頭珠顆冷樓角玉鉤生氣

爽衣裳健風疎砧杵鳴夜衾香有思秋簾冷無情夢
短眠頻覺宵長起暫行燭凝臨曉影蟲怨欲寒聲
老花先盡蓮凋子始成四

時無了日何用歎衰榮

初四日

竹下圍碁

增西京雜記戚夫人侍兒賈佩蘭出為段

竹下圍碁勝者終年有福負者終年疾病取絲縷就北辰星求長命乃免

勿市履屐

增西陽雜俎八月四日勿市履屐

製寶符旗

增玉海元符二年八月四日製寶符旗

初五日

千秋節

原舊唐書明皇紀開元十七年八月癸亥上以降誕日讌百寮於花萼樓下百寮表請以

月令輯要

卷十五

八月令

日次

上

每年八月五日為千秋節王公以下獻鏡及承露囊天下諸州咸令讌樂休假三日仍編為令從之

明皇帝千秋節宴詩蘭殿千秋節稱名萬歲觴風傳率

土慶日表繼天祥玉宇開花萼宮縣動會昌衣冠白鷺下帟幕翠雲長獻壽成新俗朝儀入舊章月銜花

綬鏡露綴彩絲囊處處祠田祖年年宴杖鄉深思一

德事小獲萬人康顧况八月五日歌四月八日明星

出摩耶夫人降千佛八月五日佳氣新昭成太后出

聖人開元九年燕公說奉詔聽置千秋節丹青廟裏貯姚宋花萼樓中宴岐薛

賜鏡囊綵帛

增舊唐書明皇紀開元十八年八月丁亥上御花萼樓以千秋節百官賀賜四

品以上金鏡珠囊縑綵

五品以下衣帛有差

舞馬

唐書禮樂志明皇嘗以馬百匹盛飾分左右施三重榻舞傾盃數十曲壯士舉榻馬不動樂

工衣黃衫文玉帶立左右每千秋節舞於勤政樓下其日內閣殿使引戲馬五坊使引象犀入場拜舞宮人數百衣錦繡衣出帷中擊

雷鼓奏小破陣樂歲以為常

千秋金鑑錄

唐書張九齡傳初千秋節王公竝獻寶鑑九齡上事鑿十章號千秋金鑑錄

天長節

唐明皇實錄天寶七載蕭照等請改千秋節為天長節從之

萬壽殿

唐會要開元二十四年請兩京各改一殿以萬壽為名千秋節會百僚於此殿

端午

容齋隨筆唐明皇以八月五日生以其日為千秋節張說上大衍曆序云謹以開元十六年

月令輯要

卷十五

八月令

日次

三

八月端午赤光照室之夜獻之唐類表有宋璟請以八月五日為千秋節表云月惟仲秋日在端午然則凡月之五日皆可稱端午也

初六日

梁元帝生

南史梁孝元帝紀帝母在采女次侍始褰戶幔有風回裾武帝意感幸之采女夢

月墮懷中遂孕天監七年八月丁巳生帝舉室中非常香有紫胞之異武帝奇之因賜采女姓阮進為修容顏氏家訓梁孝元年少之時每

八月六日載誕之辰常設齋講

宴藥珠宮

玉海天聖八年八月六日宋仁宗召輔臣宗室於龍圖天章閣觀三聖御書元真

殿觀瑞穀宴藥珠
宮宰臣以下賦詩

召對選德殿增玉海乾道七年八月六日宋孝宗召
吏部侍郎王之奇詹事陳良翰禮部侍郎周必大
同對選德殿賜坐從容訪以治道久之袖出御筆一通首以魏徵答唐太宗德仁功利之問

初七日增玉海乾道七年八月六日宋孝宗召
吏部侍郎王之奇詹事陳良翰禮部侍郎周必大
同對選德殿賜坐從容訪以治道久之袖出御筆一通首以魏徵答唐太宗德仁功利之問

宴崇德殿增宋史禮志真宗咸平元年二月宴羣
臣於崇德殿二年八月七日再宴用樂

初八日增玉海祥符三年八月八日甲寅召近臣
觀瑞物於崇和殿上作七言詩從臣皆賦

觀瑞物增玉海祥符三年八月八日甲寅召近臣
觀瑞物於崇和殿上作七言詩從臣皆賦

月令輯要卷十五 八月令 日次 三

瘞犬增遼史禮志八月八日國俗屠白犬於寢帳前
七步瘞之露其喙後七日中秋移寢帳於其上
國謂之捏褐耐捏

竹醉原山家清事八月八日
為竹醉日種竹易活

沸星出增法苑珠林佛以八月八日沸星出時轉
法輪以八月八日沸星出時取般涅槃

韓琦仲秋八日雲臺觀羣花盛開詩增春早凡花百
種榮秋芳能得

初九日增幾多名仙家八月靈葩
發不與尋常俗豔爭

初九日增幾多名仙家八月靈葩
發不與尋常俗豔爭

初九日增幾多名仙家八月靈葩
發不與尋常俗豔爭

初九日增幾多名仙家八月靈葩
發不與尋常俗豔爭

初九日增幾多名仙家八月靈葩
發不與尋常俗豔爭

元成節

原宋史禮志政和三年以八月九日青華帝君生辰為元成節

謝自然披髮

增集仙傳八月九日羣仙來傳金母敕令女仙謝自然披髮四十日金母當自

來所降使或言姓崔將一板闕二尺長五尺其上有五色每羣仙欲至墻壁間悉熒煌似鏡自然每披髮則黃雲繚繞其身又有七

人黃衣戴冠侍於左右

宴紫雲樓

增玉海乾德四年八月九日辛丑召宰臣宴紫雲樓下論及民間事謂趙普等曰下

愚之民不分菽麥如藩侯不為撫養務行苛虐朕斷不容之普等曰陛下愛民如此堯舜之用心也

初十日

月令輯要卷十五 八月令 日次 酉

子義船

增西陽雜俎烏山下無水魏末有人掘井遇磐石下有水流洶洶然遂鑿石穿水北流甚

駛俄有一船觸石而至匠人窺船上得一杉木板板刻字曰吳赤烏二年八月十日武昌王子義之船

試賢良方正

增玉海咸平四年八月己酉十日御崇正殿試賢良方正何亮孫暨孫僅丁遜

命宋白等考所對遜僅第四等亮暨次之

十一日

巨鼇出海

增集異記唐裴奩開元七年都督廣州仲秋夜漏未艾忽然天曉星月皆沒禽鳥飛

鳴舉郡異之未能喻然已晝矣裴公於是衣冠而出軍州將吏則已集門遽召叅佐泊賓客至即詢挈壺

氏日常夜三更尚未也因留賓客於廳事共須日之
昇良久天色昏暗夜景如初官吏執燭而歸詰旦命
使四訪合界皆然北訪湘嶺之北則無斯事數月後
有商船自遠南至謂郡人云我八月十一日夜舟行
忽遇巨鼇出海舉首北向而雙目若日照耀千里毫
末皆見久之復沒夜色依然微其時則裴公集賓僚
之夕

風琶蠻貢

增玉海景德三年八月十一日風琶蠻貢犀象封牛青羊及馬賜冠帶錦袍

橫港

增通攷八月十一日卜來年水旱侵晨或隔夜於水邊無風浪處作一水則子至晚看之若沒

壬水露至旱平至小水又
壬本年好種麥名曰橫港

月令輯要

卷十五 八月令 日次 五

王建八月十一日夜作

增半秋初入中旬夜已向階前守月明從未圓時看却好

一分分見
傍輪生

十二日

紙月

原宣室志長慶中有王先生者弘農晦之聞其術往謁焉王留之宿乃八月十二也先生召其

女七娘謂之日汝為吾刻紙狀今夕之月置於室東之垣上有頃七娘以紙月施於垣上忽月光洞然一室毫髮盡辨晦之驚嘆不測

瑞聖園觀稼

增玉海祥符六年八月辛未十二日瑞聖園觀稼宴從臣作郊外觀稼七言詩

近臣
皆和

經筵秋講增嘉宗實錄舊規經筵秋講以八月十二日起

王建八月十二日夜翫月詩增亂雲遮却臺東月不

家先見鏡被他籠與作艱難

十三日

景龍三年八月十三日李嶠太平公主山亭侍宴應

制詩增黃金瑞榜絳河隈白玉仙輿紫禁來碧樹青岑雲外聳朱樓畫閣水中開龍舟下瞰鮫人室

月令輯要卷十五 八月令 日次 去

羽節高臨鳳女臺遽惜歡娛歌吹晚揮戈更却曜靈回

王建八月十三夜翫月詩增今夜月明勝昨夜新添桂樹近東枝立多地濕昇

牀坐看過墻西寸寸遲

十四日

天灸原荆楚歲時記八月十四日民竝以朱水點兒頭額名爲天灸以厭疾

眼明囊原荆楚歲時記八月十四日以錦綵爲眼明囊遞相餉遺

乾元殿觀書增唐會要開元六年八月十四日制令中書門下及文武百官入乾元殿就東

廊觀書內庫出絹綵分賜
褚無量及四庫官有差

元稹八月十四夜翫月詩

猶欠一宵輪未滿紫霞
紅襯碧雲端誰能喚得嫦

娥下引向堂
前仔細看

王建八月十四夜翫月詩

月似圓來色漸凝玉盆
盛水欲侵稜夜深盡放家

人睡直到天
明不炷燈

范仲淹八月十四夜月詩

光華豈不盛賞宴尚遲
遲天意將圓夜人心待滿

時已知千里共猶訝一分虧
來夕如澄霽清風不負期

月令輯要

卷十五

八月令

日次

七

十五日

觀濤

枚乘七發將以八月之望與諸侯遠
方交遊兄弟竝往觀濤乎廣陵之曲江

新羅宴射

舊唐書東夷傳新羅國重八月
十五日設樂飲宴賚羣臣射其庭

行像透索

酉陽雜俎婆羅遮國八月
十五日行像及透索為戲

金背蝦蟇

酉陽雜俎長慶中八月十五夜有人翫
月見林中光屬天如疋布其人尋視之見

一金背蝦蟇
疑是月中者

撒燭翫月

開天遺事蘇頲與李又對掌文詔八月
十五夜於禁中直宿諸學士翫月備文酒

之宴時長天無雲月色如畫蘇曰

霓裳羽衣曲

原唐逸史羅公遠鄂州人開元中秋夜侍明皇於宮中翫月公遠曰陛下莫

要至月中看否乃取拄杖向空擲之化為大橋其色如銀請明皇同登約行數十里精光奪目寒氣侵人遂至大城闕公遠曰此月宮也見仙女數百皆素練寬衣舞於廣庭明皇問曰此何曲也曰霓裳羽衣曲也明皇密記其聲調遂回却顧其橋隨步而滅旦召伶官依其聲作霓裳羽衣之曲

秦紫雲曲

原集異記明皇嘗八月望夜與葉法善同遊月宮聆月中奏樂上問曲名曰紫雲曲

也明皇素曉音律默記其聲還過潞州城上俯視城郭悄然而月色如晝法善因請上以玉笛奏曲時玉

月令輯要

卷十五 八月令 日次

六

笛在寢殿中法善命人取之旋頃而至奏曲既投金錢於城中而還旬餘潞州奏八月望夜有天樂臨城

兼獲金錢以進

文簫

原傳奇鍾陵西山有遊帷觀每至中秋車馬喧闐太和末有書生文簫往觀覩一姝甚麗吟曰

若能相伴陟仙壇應得文簫駕綵鸞生意其神仙植足不去姝亦相盼相引至絕頂俄有仙童持天判曰吳彩鸞以私慾泄天機謫為民妻一紀姝乃與生下歸鍾陵

駕梯取月

原宣室志太和中周生者有道術中秋夜與客會時月色方瑩生謂坐客曰我能挈

月置之懷袂因命虛一室取筋數百條繩而駕之日我將梯取此月俄覺天地曠晦因開室日月在某衣

中因以手舉衣懷中出月寸
許忽一室盡明寒入肌骨

天柱峯翫月

原三水小瀆趙知微有道術皇甫元真
等師事之咸通庚寅中秋自朔霖霖至

於望夕元真謂同門生曰堪惜良宵而值苦雨語頃
知微忽命侍童曰可備酒果登天柱峯翫月衆竊有
不然者既出門長天廓清皓月如晝捫蘿援篠吟飲
山嶺至寒蟾隱於遠岑方歸山舍既各就榻而淒風

飛雨

宛然

幔亭會

原廣博物志武夷君地官也相傳每於八月
十五日大會村人於武夷山上置幔亭化虹

橋通山下是日太極王皇太姥魏真人武夷君竝座
空中告呼村人爲會孫汝等若男若女呼坐乃命鼓

月令輯要卷十五八月令 日次 元

師張安陵等作樂行酒命歌
師彭令昭唱人閒可哀之曲

石珠

增錄異記江州南五十里有店名七里店在蛇
江之南小山上石青色堅膩俗云石中有珠

每至中秋往往羣飛凡十餘枚如流星往來
或聚或散石上時有光景相傳云珠藏於此

天子請客

原錢氏私志岐公在翰苑時中秋有月上
問當直學士是誰左右以姓名對命小殿

對設二位召來賜酒上云天下無事月色清美與其
醉聲色何如與學士論文公再拜就坐夜漏下三鼓
上悅甚令左右宮嬪各取領巾裙帶或團扇手帕求
詩內侍舉牙床以金鑲水晶硯珊瑚筆格玉管筆皆
上所用者於公前來者應之畧不停綴盡出一時新
意上云豈可虛辱須與學士潤筆遂各取頭上珠花

一朶裝公幘頭簪不盡者置公服袖中宴罷月將西
沉上命撤金蓮燭令內侍扶掖歸院翌日都下盛傳
天子
請客

翫月羹

膳夫錄 汴中節
食中秋翫月羹

李文定公生

臨漢詩話 李文定公廸八月十五日
生或作詩以獻皆以月況文定中有蟾

輝吐光育萬種我公蟠屈爲心胸老桂根株撼不折
我公得此爲清節孤輪碾空周復圓我公得此爲機
權餘光燭物無洪細我公
得此爲經濟語亦豪爽

賞月延桂

乾淳歲時記 中秋禁中是夕有賞月延
桂排當如綺桂閣秋暉堂碧岑皆臨時取

月令輯要

卷十五

八月令

日次

二十

旨夜深天樂
直徹人間

放水燈

乾淳歲時記 中秋夕浙江放一點紅羊皮
小水燈數十萬盞浮滿水面爛如繁星或謂

此江神所喜非
徒事觀美也

雲開月出

石林詩話 晏元獻留守南都王君玉爲
府簽判嘗遇中秋陰晦既至夜君玉密使

人伺公曰已寢矣君玉亟爲詩以入曰只在浮雲最
深處試憑絃管一吹開公枕上得詩大喜卽索衣起
徑召客治具大合樂至夜
分果月出遂樂飲達旦

瓊田草

西溪叢語 瓊田草生於分寧山谷間有瓊
田草經一卷八月十五日採之草有十名曰

不死草長生草
又云苦天之類

神女峯絲竹

增入蜀記巫山十二峯不可悉見所見
八九峯惟神女峯最為纖麗奇峭宜為

仙真所託每八月十五夜月明時有絲
竹之音往來峯頂山猿皆鳴達旦方止

對御賦詩

增中州集道陵中秋賞月瑞光樓召趙風
文孺對御賦詩以清字為韻風詩云秋氣

平分月正明藥珠宮闕對蓬瀛已驅急雨銷殘暑不
遣微雲點太清簾外輕風飄桂子夜深涼露滴金莖
聖朝不奏霓裳曲四海歌謳卽樂聲道陵讀至落句
大加賞異手酌金鍾以賜且字之曰文孺以此鍾賜
汝作酒直
士林榮之

月令輯要

卷十五 八月令

三

端正月

增事文類聚前輩名中秋月為端正月韓愈
詩云三秋端正月今夜出東溟張雨八月十

五夜待月詩秋已平分催
節序月還端正照山河

吹笙侍宴

增西湖志餘淳熙九年八月十五日孝宗
過德壽起居上皇遂留賞月召小劉妃吹

白玉笙霓裳中序侍宴曾覲進壺中天詞云素颺颺
碧看天衢穩送一輪明月翠水瀛壺人不到比似世
閒秋別玉手瑤笙一時同色小按霓裳疊天津橋上
有人偷記新闕當日誰幻銀橋阿瞞兒戲一笑成癡
絕肯信羣仙高宴處移下水晶宮闕雲海塵清山
河影滿桂冷吹香雪何勞玉斧金甌千古無缺

月桂子降

原本草綱目宋仁宗天聖丁卯八月十五
夜月明天淨杭州靈隱寺月桂子降其繁

如雨其大如豆其圓如珠其色有白者黃者黑者
殼如芡實味辛拾以進呈寺僧種之得二十五株

剪壺盧鬚

增經驗方中秋日剪壺盧鬚如環子脚者
陰乾於除夜煎湯浴小兒則可免出痘

登科記

增花月新聞建炎二年春揚州一士人緩步
出西隅遙見紅暈如赤環自地吐出徐行入

觀有機數張經以素絲女子四五輩組織重花交葉
之內成字數行第一行之首曰李易稍空次又有一
人姓名如此以十數乃問之曰織此何為對曰登科
記也到中秋時候知之是歲高宗車駕南巡揚都貢
士雲集至八月始唱名放榜第一人曰李易其下
甲乙之次無一差易始悟初春所屈蓋蟾宮云

月巖

原七修類稿杭之鳳凰山有石如片雲拔地高
數丈巔有一竅尺餘名曰月巖惟中秋之月穿

月令輯要

卷十五

八月令

日次

三

竅而出餘時則

斜出竅外矣

水調歌

增山堂肆考東坡居士以丙辰中秋歡飲達
旦大醉作水調歌都下傳唱神宗問內侍外

面新行小調內侍錄此進呈讀至又恐瓊樓玉宇
高處不勝寒上曰蘇軾終是愛君乃命量移汝州

牡丹誕

增清閑供八月
十五日牡丹誕

月宮符

增北京歲華記中秋夜人家各置月宮符像
符上兔如人立陳瓜果於庭餅面繪月宮蟾

兔男女肅拜燒
香且而焚之

團圓節

增帝京景物畧八月十五日女
歸寧是日返其夫家曰團圓節

珊瑚撐月

增名勝志太和縣洱河東岸有分水厓自岸下分水為兩南河北海八月望夜河海

正中有珊瑚樹出水面漁人往往見之世傳海龍獻寶內典云珊瑚撐月即此

葛仙上昇

增名勝志葛仙山在鉛山縣南五十里由山北真淨寺循澗且盡始緣鳥道至山之

半猶歷三十六扉一扉一高方至絕頂有上下馬試劍息心等石丹井仙壇孝先以吳赤烏七年甲子八月十五日昇

且於此上昇

龍泉月魄

增一統志南陽府有龍泉在汝州西南其水瑩潔中秋之夕陰雲蔽月俯觀泉中魄

形自若

月令輯要

卷十五 八月令 日次

三

移花日

增通考八月十五為移花日

杜甫八月十五夜月詩

增滿目飛明鏡歸心折大刀轉蓬行地遠攀桂仰天高水

路疑霜雪林棲見羽毛此時瞻白兔直欲數秋毫

白居易八月十五日夜湓亭望月詩

增昔年八月十五夜曲江池畔

杏園邊今年八月十五夜湓浦沙頭水館前西北望鄉何處是東南望月幾迴圓臨風一嘆無人會今夜

清光似

往年

王建八月十五夜翫月詩

增合望月時常望月分明不得似今年仰頭五夜風

中立從未圓

蘇軾八月十五看潮詩

增定知玉兔十分團已作霜風九月寒寄語重門休

上鑰夜潮留
向月中看

十六日

大閱

增實錄咸平二年八月丙寅十六日大閱諸軍命殿前都指揮王超為左右廂教陣都總管是

日軍儀整肅天氣爽齊有司奏成列止升臺東向御戎幄召從臣坐而觀之王超執五方旗以進退又以行列退遠號令所不能及遂於兩陣中起候臺相望使人執旗如臺上招之初舉黃旗則諸軍旅拜舉赤

月令輯要卷十五八月令

日次

酉

旗則騎進舉青旗則步進每旗動則鼓作而士譟之聲振千百里皆三挑而後退次舉白旗則諸軍復拜呼萬歲者三遂舉黑旗以振旅軍於右者畧左陣以還由臺前出西南隅軍於左者畧右陣而還由臺前出西北隅竝凱旋而入上顧王超曰士衆嚴整戎行練習卿之力也退御幄殿召從臣宴飲回御東華門閱諸軍還營鈞容奏樂於樓下

祭潮

增傳載畧武肅王天祐丙寅思欲拓捍海塘先是江心有石即秦望山脚橫截波濤中出崔嵬

然商旅船到此輒為風濤所困而傾覆遂呼此為羅刹石我國八月既望必迎潮設祭動樂鼓舞於上尋命更呼鎮江石開平已來沙漲遂作木闌圍頂今祭江亭是也

觀月華

增天台縣志中秋俗重十六夜召賓以觀月華

杜甫八月十六夜翫月詩

增舊挹金波爽皆傳玉露秋關山隨地闊河漢近人

流谷口樵歸唱孤城笛起愁
巴童渾不寐半夜有行舟

十七日

獻良馬

增唐會要貞觀二十一年八月十七日骨利幹遣使朝貢獻良馬百匹其中十四匹尤駿太宗奇之各為

製名曰十驥

上五規

增玉海嘉祐六年八月十七日知諫院司馬光上保業惜時遠謀重徵務實五規

月令輯要

卷十五 八月令

日次

五

增製樂章

增玉海紹興二十五年八月十七日刑部郎許興古言靈芝生於廟楹瑞麥秀於留

都宜如漢齋房之歌製為樂章登歌郊廟詔學士院於圓壇景靈宮太廟所奏樂章增製

杜甫八月十七夜對月詩

增秋月仍圓夜江村獨老身捲簾還照客倚杖更隨

人光射潛虬動明翻宿鳥頻
茅齋依橋袖清切露華新

朱子八月十七夜月詩

增忽忽秋逾半清輝萬里同遙知竹林夜共賞碧雲空寂

莫盈尊酒淒涼滿院風寒
塘空自綠不似小園東

十八日

神助蕩除

增魏書靈徵志尉元表臣於彭城遣別將以八月至睢口邀賊將陳顯達有戰士於

營外五里芻牧見一白頭翁乘白馬將軍呼之語稱至十八日辰必來到此語汝將軍領眾從東北臨入

我當驅賊令走申時賊必大破後十日此人復於彭城南戲馬臺東二里見白頭翁亦乘白馬從東北來

呼此人謂曰我與東海四瀆太山北嶽神共行淮北助汝二將蕩除已定汝上下喜否因忽然不見

弄潮

增元和志浙江濤每日晝夜再上常以月十日二十五日最小月三日十八日極大小則水漸

漲不過數尺大則濤湧高至數丈每年八月十八日數百里士女共觀舟人漁子泝濤觸浪謂之弄潮

潮生日

增四季須知四海之潮皆暗漲惟浙有明潮八月十八日杭人謂之潮生日偕候江干斜

月令輯要

卷十五

八月令

日次

庚

陽風色陡寒海門潮起遠若白練橫江而下瞬息千里勢若山嶽聲若雷霆

觀潮

增乾淳歲時記浙江潮天下之偉觀也自既望以至十八日為最盛每歲京尹出浙江亭教閱

水軍艤艫數百分列兩岸既而盡奔騰分合五陣之勢并有乘騎弄旗標槍舞刀於水面者如履平地吳

兒善泅者數百皆被髮文身手持十幅大綵旗爭先鼓勇泝迎而上出沒於鯨波萬仞中騰身百變而旗

尾畧不露濕豪民貴宦爭賞銀綵禁中例觀潮於天開圖畫高臺下瞰如在指掌

賦醉江月曲

增西湖志餘淳熙十年八月十八日駕詣德壽宮奉迎上皇觀潮諭侍官各賦

醉江月一曲至晚呈上以吳琚為第一其詞曰玉虹遙挂望青山隱隱有如一抹忽覺天風吹海立好似

春霆初發白馬凌空瓊鰲駕水日夜朝天闕飛龍舞
鳳鬱葱環拱吳越此景天下應無東南形勝偉觀真
奇絕好是吳兒飛彩幟蹙起一江秋雪黃屋天臨
水犀雲擁看擊中流楫晚來波靜海門飛上明月
蘇軾催試官考較詩增八月十八潮壯觀天下無鷗
夫紅旗青蓋互明滅黑沙白浪相吞屠人生會合古
難必此景此行那兩得願君聞此添蠟燭門外白袍
如立

十九日

定品服

增唐會要貞觀四年八月十九日丙午詔三
品以上服紫四品五品以上服緋六品七品

月令輯要

卷十五

八月令

日次

三

以綠八品

九品以青

造新量衡

增玉海建隆元年八月十九日丙戌有司
請造新量衡以旌天下詔精考古制按前

代舊式作之

禁私造者

二十日

封西嶽

增事物紀原唐先天二年八
月二十日封西嶽爲金天王

賜御書尚書

增玉海紹興五年八月二十日高宗賜
趙鼎御書尙書一部鼎奏謝上曰尙書

所載君臣相戒之言所以賜

卿欲共由此道以成治功

二十一日

敕賜刀石

增會要上元元年八月二十一日戊戌敕

賀升平

增玉海紹興十六年八月二十一日庚寅交趾賀升平獻黃金器明珠沉香翠羽綾絹馬

十象

二十二日

造禮神玉

增玉海元豐七年八月二十二日己丑造兩圭有邸二以為社稷禮神玉

賜筆研

增研北雜志翰林學士王禹宣和七年八月二十一日一夕凡草四制翌日遣中使至玉

月令輯要

卷十五

八月令

日次

壬

堂賜以上所常御筆研等十三事

賦角端

增西湖志餘元至正庚寅浙江鄉試八月二十日夜二鼓貢院彷彿見一物馳過甚疾

其狀若猛獸軍卒因而喧哄遂以角端命賦題

夢僧賦詩

增葉顥詩序乙未八月二十二夜夢宿山寺與僧講道論詩不覺夜分僧賦一聯云

鶴向白雲棲處宿僧從青嶂影邊歸覺而微改其句足成一律

二十三日

修進寶訓

增玉海元祐六年八月二十三日呂大防言乞令史院修進先朝寶訓以備邇英進

讀從

置小學

增玉海崇寧元年八月二十三日州縣置小學十歲以上入學五年立課試法

二十四日

國學觀禮

增唐會要元和二年八月二十四日敕鄉貢明經進士見訖就國子學官講論質定

疑義仍令百寮觀禮

忠懿王誕日

增宣和書譜秦忠懿王錢俶藝祖應運率先臣服太宗卽位之明年盡籍其府

庫地圖以獻端拱元年八月二十四日太宗以其誕日遣使賜器幣且示寵焉楓憲小牘吳越忠懿王以

月令輯要

卷十五

八月令

日次

完

天咸四年八月二十四日四鼓生

修注官入侍

增玉海至和元年八月二十四日知制誥賈黯乞修注官入侍邇英閣事有可

書隨卽

記錄

灑馬奶子

增元史祭祀志每歲駕幸上都以八月二十四日祭祀謂之灑馬奶子用馬一羯羊

八綵緞練絹各九疋以白羊毛纏若穗者九貂鼠皮三命蒙古巫覡及蒙古漢人秀才達官四員領其事

再拜告天又呼太祖成吉思御名而祝之日托天皇帝福蔭年年祭賽者禮畢以祭幣及祭物凡與祭者

共分

之

稻藁生日增嘉定縣志八月二十四日為稻藁生日雨則雖得穀藁必腐

二十五日增王感節散六年八月二十六日太學五

嘉禾合穗增唐會要景龍元年八月二十五日長子縣嘉禾合穗

宴長春殿增玉海祥符七年八月二十五日戊寅真遊殿上梁召近臣焚香因宴於長春殿帝

作七言詩令賦一由開香殿風殿殿及八月二十五日近臣繼和

獻奇獸增玉海嘉祐三年交趾貢異獸二八月二十日癸亥御崇政殿召輔臣等觀之司馬光

交趾獻奇獸賦其狀熊頸而烏喙豨首而牛身與夫雕題卉服之士南金象齒之珍款紫闥而畚入克形

月令輯要卷十五八月令 日次 辛

庭而竝陳翔舞太和涵濡茂澤殊俗嚮臻靈獸來格雖漢室之初黑鵬貢於絕徼周家之隆白雉通於重

譯不足方也

祭防風廟增名勝志湖州古防風氏之國今武康縣封禺二山間有防風廟歲以八月二十五

日有司致祭

二十六日增玉海乾道六年八月二十六日太學正

南仲侑食增薛元鼎請以周之南仲侑食武成王上喜

以為南仲之孫皇父猶為中興之將便宜舉行八月二十四日

建宗學

增玉海嘉定七年八月二十六日詔建宗學置六齋生員以百人為額

二十七日

孔子生

增穀梁傳襄公二十有一年冬十月庚子孔子生孔庭纂要周靈王二十一年庚戌即魯

襄公二十二年是年冬十月庚子日先聖生十月庚子即今之八月二十七日祖庭廣記顏氏禱於尼丘

升之谷草木之葉皆上起降之谷草木之葉皆下垂及懷妊十一月而生是夕有二龍繞室五老降庭五

老者五星之精也顏氏之房聞鈞天之樂空中有聲云天感生聖子故降以和樂之音

繪冠冕圖

增玉海本朝冠服多沿唐舊循用之久有司寢為繁文漸失法度景祐二年八月丙

月令輯要卷十五八月令 日次

至

子二十七日始詔內侍省與太常禮院詳典故造冠冕蠲減珍華務從簡約俾繪圖以進

置大晟樂府

增玉海崇寧初議大樂四年八月二十七日賜名大晟置府建官府在宣德門

外天街之東隸禮部以大司樂典樂為長貳次日大樂令主簿協律郎工有樂正至舞師

二十八日

瓶笙

增蘇軾瓶笙詩引庚辰八月二十八日劉幾仲餞飲東坡鷗中聞笙簫聲杳杳若在雲霄間徐

而察之則出於雙瓶水火相得自然吟嘯坐客驚嘆詩作瓶笙詩記之

御書政論

增玉海乾道六年八月二十八日御書漢議郎崔寔政論賜宰臣虞允文等

祭馬神

增問政要覽太僕寺祭馬神在通州北四十里安德鄉鄭村壩秋祭在八月二十八日

二十九日

受朝常式

增唐會要永徽二年八月二十九日下詔來月一日太極殿受朝此後每五日一御

太極殿視事朔望
朝卽永爲常式

置常平倉

增唐會要永徽六年八月二十九日己酉京東西二市置常平倉置常平司官

三十日

教養宗子

增玉海崇寧二年八月三十日詔曰大司徒以六德六行教萬民而師氏之教國子

月令輯要

卷十五 八月令 日次 三

則三德三行而已詳于訓士略于治親崇寧教養宗子法倣辟廱太學宜參酌輕重降于內外之法使易以歧

製損齋記

增玉海紹興二十八年八月晦復古殿書御製損齋記蕩心侈目惑心害性者罔不

掃除清心寡欲省緣薄費者奉以周旋揮毫弄墨真草自如濃淡斜行茂密如意未能忘情似賢乎已朝夕清燕視以自儆以漢武明皇爲戒凡二百五十八字吏書賀允中請布之中外

政典

命和仲

原書分命和仲宅西曰昧谷傳昧冥也日入於谷而天下冥故曰昧谷此居治西方之官

掌秋天之政也

西成

原書平秩西成傳秋西方萬物成平序其政助成物

西巡守

原書八月西巡守至于西岳傳西岳華山初謂岱宗

總章大廟

原禮天子居總章大廟注總章大廟西堂當大室也

助老氣

原禮是月也養衰老授几杖行糜粥飲食注助老氣也行猶賜也增後漢書禮儀志仲秋

之月縣道皆案戶比民年始七十者授之以玉杖舖之糜粥八十九十禮有加賜玉杖長尺端以鳩鳥為飾鳩者不噎之鳥也欲老人不噎也

也欲老人不噎之鳥

月令輯要

卷十五

八月令

政典

命司服

原禮乃命司服具飾衣裳文繡有恒制有小大度有長短注此謂祭服也文謂畫也祭服

之制畫衣而繡裳

衣服有量

原禮衣服有量必循其故注此謂朝燕及他服凡此為寒益至也

冠帶有常

原禮冠帶有常注因制衣服而作之也

申嚴百刑

原禮乃命有司申嚴百刑斬殺必當毋或枉撓枉撓不當反受其殃注申重也當謂

值其罪

省羣牲

原禮是月也乃命宰祝循行犧牲視全具案芻參瞻肥瘠察物色必比類量大小視長短

皆中度五者備當上帝其饗注
於鳥獸肥充之時宜省羣牲也

達秋氣

原禮天子乃難以達秋氣注此難難陽氣也
陽暑至此不衰害亦將及人所以及人者陽

氣左行此月宿直昴畢昴畢亦得大陵積尸之氣氣
失則厲鬼亦隨而出行於是亦命方相氏帥百隸而

難之王居明堂禮曰仲秋九

門磔攘以發陳氣禦止疾疫

以犬嘗麻

原禮以犬嘗麻先薦
寢廟注麻始熟也

備斂藏

原禮是月也可以築城郭建都邑穿竇窖修
困倉集說四者皆為斂藏之備穿地圓曰竇

方曰
窖

月令輯要

卷十五

八月令

政典

十四

趣收聚

原禮乃命有司趣民收斂務畜菜多積聚注
始為禦冬之備呂氏春秋南呂之月蟄蟲入

穴趣農收聚無敢
懈怠以多為務

平物

原禮日夜分則同度量平權衡正鈞石角斗甬
集說此與仲春同北齊書神武帝紀天平三年

八月丁亥神武請均斗尺班于天下唐書百官志太
府寺主簿掌印省鈔日勾稽得失平權衡度量歲以

八月印署

然後用之

易關市

原禮是月也易關市來商旅納貨賄以便民
事四方來集遠鄉皆至則財不匱上無乏用

百事乃遂注易關市
謂輕其稅使民利之

禁令

原禮

凡舉大事毋逆大數必順其時慎因其類

集說大事如土功徭役合諸侯舉兵眾之事皆不可悖陰陽之大數因猶依也如慶賞者乃發生之類刑罰者乃肅殺之類必順時令而謹依其類以行之

也

獻良裘

原周禮

天官司裘中秋獻良裘王乃行羽物

疏仲秋所獻善裘者為八月誓獮田所用故獻之王乃行羽物者以羽鳥之物賜羣臣以應秋氣也

教治兵

原周禮

夏官大司馬中秋教治兵如振旅之

也

月令輯要

卷十五

八月令

政典

三

獮田

原周禮

夏官大司馬遂以獮田如蒐田之法注秋田為獮獮殺也

閱兵車

增公羊傳

秋八月壬午大閱大閱者何閱兵車也修教明諭國道也平而修戎事非正也

其日以為崇武故謹而日之

命國醮

增王居明堂禮

仲秋乃命國醮

算賦

增漢書

高帝紀四年八月初為算賦注漢儀注民年十五以上至五十六出賦錢人百二十為

一算為治庫兵車馬

試車騎材官

增漢書

高帝紀隴西車騎巴蜀材官注材官騎士習射御騎馳戰陳常以八月

太守都尉令長丞會都
試課殿最水處則習船

吏民計偕

增漢書武帝紀元光五年八月徵吏民有
明當世之務習先聖之術者縣次給食令

與計偕注計者上計簿使也令所徵
之人與上計者俱來而縣次給之食

賜黃金

增漢書宣帝紀元康四年秋八月賜故右扶
風尹翁歸子黃金百斤以奉其祭祀又賜功

臣適後黃金
人二十斤

益吏奉

增漢書宣帝紀神爵三年秋八月詔日吏不
廉平則治道衰今小吏皆勤事而奉祿薄欲

其毋侵漁百姓難矣其
益吏百石以下奉十五

月令輯要

卷十五

八月令

政典

五

賜羊酒

增漢書兩龔傳昭帝時涿郡韓福以德行徵
至京師賜策書束帛遣歸詔長吏以時存問

常以歲八月賜羊一頭酒二斛後漢書鄧彪傳彪為
太尉在位清白為百僚式元和元年賜策罷詔河南

尹遣丞存問常以
八月且奉羊酒

官尉

原淮南子八月官尉注尉
戎官也是月治兵故官尉

飲酎

原後漢書章帝紀建初七年秋八月飲酎高廟
增漢舊儀皇帝惟八月耐車駕夕牲牛以絳衣

之皇帝暮視牲以鑑燧取水于月以火燧取火于日
為明水火左袒以水沃牛右肩手執鸞刀以切牛毛

薦之即更衣侍
中上熟乃祀之

祠豐沛廟社

增後漢書章帝紀章和元年八月已丑遣使祠沛高原廟豐楸榆社

刺史行部

增後漢書百官志外十有二州每州刺史一人諸州常以八月巡行所部郡國錄囚

徒考殿最宋書百官志前漢世刺史乘傳周行郡國無適所治後漢世所治始有定處止八月行部不復

奏事

京師

順時講武

增後漢書陳蕃傳人君有事於苑囿惟仲秋西郊順時講武殺禽助祭以敦孝敬

遣輜軒使

增風俗通周秦常以八月遣輜軒使採異俗方言藏之秘府

奉聖亭侯

增晉書孝武帝紀太元十一年八月庚午封孔靖之為奉聖亭侯奉宣尼祀

月令輯要

卷十五 八月令 政典

三

祠中嶽

增宋書禮志魏明帝太和四年八月帝東巡遣使者以特牛祠中嶽

薦時果

增魏書禮志太和十五年八月壬辰詔郡國有時果可薦者並送京師以供廟饗

勲封廣恩

增北齊書孝昭帝紀皇建元年八月詔九州勲人有重封者聽分授子弟以廣骨肉

之恩

遣使巡省

增北齊書孝昭帝紀皇建元年八月壬辰詔分遣大使巡省四方觀察風俗問人疾

苦考求得失搜訪賢良隋書文帝紀開皇四年八月甲午遣十使巡行天下

獲玉印

增北史魏文成帝紀興安二年八月戊戌詔日朕即位以來風雨順序衆瑞兼呈又於苑

內獲方寸玉印其文日子孫長壽羣公卿士咸日休哉豈朕一人克臻斯應實由天地祖宗降祐之所致也思與兆庶共茲嘉慶

省冤獄

唐書太宗紀貞觀二年八月甲戌省冤獄於朝堂

考治否

唐書百官志節度使歲以八月考其治否銷兵為上考足食為中考邊功為下考觀察使以豐稔為上考省刑為中考辨稅為下考團練使以安民為上考懲姦為中考得情為下考防禦使以無虞為上考清苦為中考政成為下考經略使以計度為上考集事為中考修造為下考

特進佩魚

唐會要景龍三年八月令特進佩魚散職佩魚自茲始

月令輯要

卷十五 八月令 政典

賜高年冠帶

唐會要宣宗大中三年八月己丑既復河湟河隴高年千餘見闕下天子為

御延喜樓賜冠帶

祭靈星

通典周仲秋辰日祭靈星於國之東南王者所以復祭靈星者為人祈時以種五穀故

別報其功

進士試論議

通鑑太和七年李德裕請依楊綰議進士試論議不試詩賦八月庚寅停試

詩賦禮部奏先試帖經略問大義次試議論一首大義以通二通四為格明年後並依此例

作雍和殿

通鑑大中元年八月上崇睦兄弟作雍和殿於十六宅數臨幸置酒作樂

置審刑院

增玉海淳化二年八月己卯詔置審刑院於禁中以樞密直學士李昌齡知院事凡

具獄案牘先經大理斷讞既定關報審刑知院定成文章奏訖然後下丞相府丞相又以聞始命論決蓋

重謹之至也

廣獻書路

增玉海嘉祐五年八月壬申詔秘府書視開元錄多遺軼開賞科以廣獻書之路

置木契

增玉海熙寧六年八月詔畿縣都保置木契左留司農寺右付其縣凡追闕試則出契

召試教授

增玉海熙寧八年八月詔州學教授先召赴舍入院試大義五道取優通者選差孫

謂試法中第一壬子命監制敕庫

月令輯要

卷十五

八月令

政典

五

開玉泉水

增元史世祖紀中統三年八月郭守敬請開玉泉水以通漕運從之

分日鄉試

增元史選舉志鄉試八月二十日蒙古色目人試經問五條漢人南人明經經疑二

問經義一道二十三日蒙古色目人試策一道漢人南人古賦詔誥章表內科一道二十六日漢人南人

試策一道

民用

民夷

增書厥民夷傳夷平也老壯在田與夏平也蔡傳夷暑退而人氣平也

始為昏禮

增詩匏有苦葉濟有深涉箋匏葉苦而渡處深謂八月之時陰陽交會始可以為昏

禮納采

問名

獲禾 原詩八月其獲疏八月其禾可獲刈也

斷壺 原詩八月斷壺傳壺瓠也疏甘瓠可食就蔓斷取而食之

剝棗 原詩八月剝棗疏棗須就樹擊之夏小正剝棗傳剝也者取也

載績 原詩八月載績疏績緝麻之名八月絲事畢而麻事起故始績

萑葦 增詩八月萑葦傳萑為萑葦為葦豫畜萑葦可以為曲也

勸種麥 原禮乃勸種麥母或失時其有失時行罪無疑注麥者接絕續乏之穀尤重之

月令輯要卷十五 八月令 民用 旱

剝瓜 原夏小正八月剝瓜傳畜瓜之時也

粟零 原夏小正粟零傳零也者降也零而後取之故不言剝也

地膽 增本草經地膽生汶山山谷八月采之陶弘景注真地膽狀如大馬蟻有翼是芫青所化亦名

青 蚘

蒸榆櫨 增淮南萬畢術八月榆櫨以美酒漬曝同青梁米紫莧實蒸熟為末每服三指撮酒下令

人辟穀 不飢

赤鯉魚 增博物志西羌仲秋月取赤頭鯉以為鮓

習射

增齊民要術崔寔曰八月涼燥可上弓弩繕理繫鋤正縛鎧弦遂以習射

備冬寒

增齊民要術崔寔曰八月擘絲治絮製新浣故及韋履賤好預買以備冬寒

趣練染

增齊民要術崔寔曰八月涼風戒寒趣練帛染綠色

掐秋菜

增齊民要術掐秋菜必留五六葉凡掐必待人膝等莖葉皆美科

雖不高菜實倍多

種大蒜

增齊民要術崔寔曰八月可種大蒜

入小學

增齊民要術崔寔曰八月暑退命幼童入小學如正月焉

月令輯要

卷十五

八月令

民用

望

棠葉染絳

增齊民要術棠熟時收種之八月初天晴時摘葉薄布曬令乾可以染絳

鉸白羊

增齊民要術白羊八月初胡菓子未成時又鉸之注漠北塞之羊則八月不鉸鉸則不耐

寒中國必須鉸不鉸則毛長相著作氈難成也

漉酪

增齊民要術作漉酪法八月中作取好淳酪生布袋盛懸之當有水出滴滴水不盡著鐺中暫

炒卽出於盤上日曝浥浥時作團大如梨許亦數年不壞

種芡

增齊民要術種芡法芡一名鷄頭卽今芡子是也由于子形上花似鷄冠故名曰鷄頭八月中收

取擘破取子散著池中自然生也政和本草鷄頭八月采實服餌家取其實並中子搗爛暴乾再搗篩末

熬金櫻子煎和丸服之
補下益人謂之水陸丹

作藥增齊民要術作藥法八月中作盆中浸小麥卽
傾去水日曝之一日一度著水卽去之脚生布

麥於席上厚二寸一日一度以水澆之芽生便止卽
散收令乾勿使餅餅成則不復任用此煮白錫藥若
煮黑錫卽待芽生青成餅然後以刀剗取
乾之欲令錫如琥珀色者以大麥爲其藥

蛇含草增名醫別錄蛇含以八月采陰乾有兩種並
生石上及黃土地當用細葉有黃花者劉敬

叔異苑云有田父見一蛇被傷一蛇銜一草著瘡上
經日傷蛇乃去田父因取草治蛇瘡皆驗遂名蛇銜
草

月令輯要 卷十五 八月令 民用 星

酸棗實增名醫別錄酸棗生河東川澤八月采實陰
乾似武昌棗而味極酸東人啖之以醒睡本

草圖經酸棗野生多在坡坂及城壘間似棗木而皮
細其木心赤色莖葉俱青花似棗花八月結實紫紅
色似棗而圓小味酸當月採
實取核中仁陰乾四十日成

神護草增名醫別錄神護草生常山北八月采可使
獨守叱咄人寇盜不敢入門物類志謂之護

門草置門上人衣過草必叱之王筠
詩霜被守宮槐風驚護門草卽此

說餅增說宋公至長安得姚泓時故大官丞程季
者了了人也公曰今日之食何者最先季曰仲

秋禦景離蟬欲靜變曉風淒
淒夜冷臣當此景惟能說餅

茹蘆

陸璣詩疏茹蘆茅蒐菹草也齊人謂之茜蜀本圖經云染緋草葉似棗葉頭尖下闊莖葉俱

澀四五葉對生節間蔓延草木上根紫赤色今所在有八月採根荒園秋露瘦韭葉自注八月可食韭菜露葵張耒詩

韭菜露葵

千金月令八月可食韭菜露葵張耒詩

縮砂菴

開寶本草縮砂菴生南地苗似廉薑子形如白豆蔻其皮緊厚而皺黃赤色八月采之

辛香可調食味及蜜煎糖纏用

蘭草

唐本草蘭卽蘭澤香草也圓莖紫萼八月花白俗名蘭香煮以洗浴生溪澗水旁人間亦多

種之以節庭池

月令輯要

卷十五

八月令

民用

豐

菘菜羹

太平御覽八月雨夜菘菜生於洿下池中作羹臠甚美吳中以鱸魚作膾菘菜爲羹

薑黃

經本草薑黃今江廣蜀川多有之葉青綠長一二尺闊三四寸有斜文如紅蕉葉而小花

紅白色根盤屈黃色類生薑而圓有節八月采根片切曝乾蠻人生噉云可以祛邪辟惡

菊花酒

經本草菊花秋八月合花收暴乾切取三四斤以生絹囊盛貯三大斗酒中經七日

服之日三次常令酒氣相續爲佳

黃耆

經本草黃耆根長二三尺獨莖或作叢生枝幹去地二三寸其葉扶疎作羊齒狀又如蒺藜

苗開黃紫花其實作莢子長寸許八月中采根用其皮折之如綿謂之綿黃耆時珍曰嫩苗亦可燉淘

茹食

藍葉治瘡

增政和本草治唇上生瘡連年不差以八月藍葉一斤搗取汁洗不過三度差

芎藭

增本草綱目芎藭古人因其根節狀如馬銜謂之馬銜芎後世因其狀如雀腦謂之雀腦芎出

關中者為京芎亦曰西芎出蜀中者為川芎出天台者為台芎出江南者為撫芎清明後宿根生苗分其枝橫埋之節節生根八月根下始結芎藭掘取

蒸曝救荒一種似蛇床葉而粗嫩葉可燥食

杜若

增本草綱目杜若楚地山中時有之山人亦呼為良薑根似薑圖經所謂山薑也開紫花不結

子八月采

根入藥

月令輯要

卷十五

八月令

民用

暑

亞麻子

增本草綱目亞麻子出兗州威勝軍苗葉俱青花白色八月上旬采其實用時珍曰即壁

虱胡麻也其實亦可榨油點燈

種蠶豆

增本草綱目蠶豆南土種之蜀中尤多八月下種冬生嫩苗可茹

射干

增本草綱目按張揖廣雅云鳶尾射干也土宿真君本草云射干即扁竹葉扁生如側手掌形

莖亦如之一種紫花一種黃花一種碧花多生江南湖廣川浙平陸間八月采根取汁煮雄黃伏雌黃制

丹砂能

拒火

風藥

增本草綱目石南桂陽呼為風藥克茗及浸酒飲能愈頭風故名別錄曰生華陰山谷八月采

實陰

乾

橙熟

增本草綱目橙名鵝殼樹似橘而葉大其形圓大於橘而香皮厚而皺八月熟

欖子

增本草綱目欖子一名食茱萸高木長葉黃花綠子叢簇枝上味辛而苦八月采搗濾取汁入

石灰攪成名曰艾油亦曰辣米油始辛辣蜚口入食物中用

綿花

增本草綱目木綿有二種似木者名吉貝似草者名古終江南淮北所種莖弱如蔓高者四五

尺葉有三尖如楓葉入秋開花黃色如葵花而小亦有紅紫者結實大如桃中有白綿亦有紫綿者八月

採採謂

之綿花

月令輯要

卷十五

八月令

民用

豎

海棠梨

增本草綱目果類有海紅即海棠梨之實狀如木瓜而小實至八月乃熟沈立海棠譜云

海棠其實狀如梨大如櫻桃至秋可食

甘松香

增本草綱目甘松香黔蜀州郡及遼州皆有之叢生山野葉細如茅草根極繁密八月采

之作湯浴令人身香

雷丸

增本草綱目雷丸生石城山谷及漢中土中八月采根暴乾按遯齋閑覽云楊勔中年得異疾

每發語腹中有小聲應之久漸聲大有道士見之曰此應聲蟲也但讀本草取不應者治之讀至雷丸不

應遂頓服

數粒而愈

鹿梨

本草綱目江寧府信州一種小梨名鹿梨葉如茶根如小拇指彼人取皮治瘡八月采之時珍曰山梨野梨也處處有之梨大如杏可食

蒸食百合

曝乾蒸食之甚益炁力

趙孟頫八月耕詩

白露下百草莖葉日紛委是時禾黍登克積遍都鄙在郊既于庾人邑復萬軌人言田家樂此樂誰可比租賦已輸官所餘足儲時不然風雪至凍餒及妻子優游茅簷下庶可以卒歲太平元

趙孟頫八月織詩

池水何洋洋漚麻水中央數日庶可取引過兩手長織絹能幾時

月令輯要

卷十五 八月令 民用

吳

織布已復忙依依小兒女歲晚嘆無裳布襦不掩脛念之熱中腸朝緝滿一籃莫緝滿一筐行看機中布計日漸可量我衣苟已成不憂天早霜

物候

毛毯

書鳥獸毛毯傳毯理也毛更生整理說文仲秋鳥獸毛盛可選取以為器用也蔡傳毛毯鳥

獸毛落更生潤澤鮮好也

鴻鴈來

禮鴻鴈來淮南子候鴈來注時候之

元鳥歸

禮元鳥歸注元鳥燕也歸謂去蟄也杜甫歸燕詩不獨避霜雪其如儔侶稀四時無失

序八月自知歸春色豈相訪衆雛
還識機故巢倘未毀會傍主人飛

羣鳥養羞

原禮羣鳥養羞注羞謂所食也夏小正丹鳥羞白鳥傳丹鳥者謂丹良也白鳥者謂

蚊蚋也其謂之鳥也重其養者也有翼者為鳥羞也者進也不盡食也

蟄蟲坏戶

原禮蟄蟲坏戶注坏益也蟄蟲益戶謂稍小之也

鳩化為鷹

原禮鷹化為鳩疏鳩化為鷹然後設罝羅者謂八月時月令二月時鷹化為鳩則八

月鳩化為鷹也禽經仲秋之節鳩復化為鷹

樹柘

原淮南子其樹柘

月令輯要卷十五 八月令 物候 望

薺麥生

增參同契觀其權量察仲秋情任蓄微稚老枯復榮薺麥芽蘖因冒以生

蛸蟀

原酉陽雜俎蛸蟀大者長尺餘兩螯至強八月能與虎鬪虎不如隨大潮退殼一退一長

萐撥

增酉陽雜俎萐撥出摩伽陀國呼為萐撥梨苗長三四尺莖細如箸葉似叢葉子似桑椹八月採

黃雀化魚

原臨海異物志黃雀常以八月入海化為魚

薇草

增圖經本草白薇一名薇草莖葉俱青頗類柳葉八月結實其根黃白色類牛膝而短小今人

八月 采之

荆芥花 增本草集解荆芥葉似獨帚葉而狹小淡黃綠色八月開小花作穗成房房如紫蘇房內

有細子如葶蘆子

曼陀羅花 增本草綱目法華經言天雨曼陀羅花後人因以名花曼陀羅梵言雜色也綠莖碧

葉葉如茄葉八月開白花凡六瓣狀如牽牛花而大

竹小春 增羣芳譜八月為竹小春

中秋綠 增荔支譜中秋綠色綠亦山枝種味微酸熟最後故名中秋綠

社前種麥 增農桑通訣八月社前即可種麥麥經兩社即倍收而堅好

月令輯要卷十五八月令 物候

荔枝奴 增農政全書龍眼花與荔枝同開樹亦如荔枝但枝葉稍小殼青黃色形如彈丸肉白而

帶漿其甘如蜜熟於八月白露後方可採摘荔枝過即龍眼熟謂之荔枝奴

張耒籠鷹詞 增八月穫黍霜野空蒼鷹羽齊初出籠劍翎鉤爪目如電利吻新淬龍泉鋒

占驗

愆候 原禮仲秋行春令則秋雨不降草木生榮國乃有恐 註卯之氣乘之也 又行夏令則其國乃旱

蟄蟲不藏五穀復生 註午之氣乘之也 又行冬令則風災數起收雷先行草木蚤死 註寒氣盛也

火占 原左傳昭公十七年冬有星孛於大辰西及漢申須曰彗所以除舊布新也天事恒象今除於

火出必布焉諸侯其有火災乎梓慎曰若火作其四國當之在宋衛陳鄭乎水火之牡也其以丙子若壬午作乎水火所以合也若火入而伏必以壬午不過其見之月註夏之八月辰星見在天漢西今字星出辰西光芒東及天漢天道恒以象類告示人今火向伏故知當須火出乃布散為災壯雄也丙午火壬子水水火合而相薄水少火多故水不勝火火見周之五月疏冬以十月為初故以夏之八月解之

候月知雨

增師曠占候月知雨多少八月一日二日三日凡月色黃者其月少雨月色青者其

雨多

長王

增史記天官書作鄂歲歲陰在酉星居午以八月與柳七星張晨出曰為長王作作有芒國其

月令輯要

卷十五

八月令

占驗

兪

昌熟穀其失次有應見危曰大章有旱而昌有女喪民疾

虹出西方

增京房易候虹八月出西方粟貴

角田熟

增談叢八月一日雨則角田下熟角田豆也

中秋無月

增談叢中秋無月則兔不孕蚌不胎蕎麥不實兔望月而孕蚌望月而胎蕎麥得月

而秀

朔日晴雨

原農政全書八月朔日風雨主布貴麻子貴十倍又八月朔日晴主冬旱宜薑畧得

雨宜

麥

白露占

原農政全書白露雨為苦雨稻禾
霜之則白颯蔬菜霜之則味苦

秋分占

原農政全書秋分要微雨或天
陰最妙主來年高低田大熟

占穀貴賤

增嘉定縣志秋分在社日前則田有收而
穀賤後則無收而穀貴諺云分後社白米

徧天下社後分
白米如錦墩

鹽滷生日

增嘉定縣志八月十二日為鹽生
日十三日為滷生日雨則鹽貴

朔值占

原通攷朔日值白露果穀
不實值秋分主物價貴

雜紀

月令輯要卷十五八月令 占驗

射鹿

增穆天子傳仲秋丁巳天子射鹿於
林中乃飲於孟氏爰舞白鶴二八

蠹書羽陵

原穆天子傳仲秋甲戌天子
東遊次於雀梁蠹書於羽陵

求遺書

增漢書成帝紀河平三年八月
謁者陳農使使求遺書於天下

秦地位仲秋

原詩含神霧秦地處仲秋之位男懦弱
女高膝白色秀身音中商其言舌舉而

仰聲清
以揚

麒麟白虎見

增後漢書安帝紀延光三年八月戊
子潁川上言麒麟一白虎二見陽翟

雍門

增李尤雍城門銘雍門處中位
月在酉盲風寒濁鷺歸山阜

告太平增晉書武帝紀魏咸熙三年八月長人見於襄武長三六告縣人王始曰今當太平

肅慎獻矢柙增晉書元帝紀太興二年八月肅慎獻柙矢石柙

乘槎原博物志舊說天河與海通近世有人居海濱者年年八月有浮槎去來不失期人有奇志立

飛閣于槎上多齋糧乘槎而去十餘日奄至一處有城郭狀屋舍甚嚴遙望宮中多織婦見一丈夫牽牛

渚次飲之此人問此是何處荅曰君還至蜀都訪嚴君平則知之後至蜀問君平曰某年月日有客星犯

牽牛宿計年月正是此人到天河時也增張耒秋日登海州乘槎亭詩海上西風八月涼乘槎亭外水茫

茫人家日暖樵漁樂山路秋晴松栢香隔水飛來鴻陣闊趁潮歸去櫓聲忙蓬萊方丈知何處烟浪參差

月令輯要卷十五 八月令 雜紀 至

嘉蓮增元嘉起居注泰始二年八月嘉蓮一伏水

婆羅門嫁娶增梁書林邑國傳林邑國大姓號婆羅門嫁娶必用八月女先求男由賤男而

貴女增梁書扶南國傳扶南國大姓號婆羅門嫁娶必用八月女先求男由賤男而

佛髮增梁書扶南國傳大同三年八月高祖改造阿育王寺塔出舊塔下舍利及佛爪髮髮青紺色

衆僧以手伸之隨手長短放之則旋屈為蠡形

獻生犀增南史梁武帝紀大同五年八月乙酉扶南國獻生犀

鄴下三臺

增北齊書文宣帝紀天保九年八月帝如晉陽先是發丁匠三十餘萬營三臺于鄴

下因其舊基而高博之大起宮室及遊豫園至是三臺成改銅爵曰金鳳金獸曰聖應冰井曰崇光

魏孝文帝生

增北史魏孝文帝紀帝諱宏皇興元年八月戊申生於平城紫宮神光照室天

地氛氲和氣充塞

梨園合樂

增舊唐書文宗紀太和九年八月丁丑幸左軍龍首殿因幸梨園合光殿大合樂

雀食野蚘

增唐書五行志開元二十二年八月榆關野蚘蟲害稼入平州界有羣雀來食之一

日而盡

月令輯要

卷十五

八月令

雜紀

五

產白鹿

增唐會要天寶四載八月戊子有斑鹿產白鹿于苑中獻之上曰縞質霜毛變林虞之獸

族殊姿馴性實雲駕之龍媒

鳳集得芝

增宋史五行志端拱元年八月廣州鳳集合歡樹下得芝三本

橘柿連枝

增宋史五行志明道元年八月黃州橘木及柿木連枝

自成鹽

增宋史五行志大中祥符三年八月解州鹽池紫泉塲也次二年里許不種自生其味特

嘉命屯田員外郎何敏中往祭池廟八月東池水自成鹽僅半池潔白成瑰晶瑩異常祀汾陰經度制置使陳堯叟繼獻凡四千七百斤分賜近臣及諸列校

柚木瑞文

增宋史五行志熙寧十年八月乙巳惠州柚木有文曰皇帝萬年天下太平

賜樂髓新經

增實錄景祐二年八月丁丑出御製樂髓新經賜羣臣

桂市

增成都古今記八月有桂市

馴象

增玉海乾德五年八月有象自嶺南來至都城外獲之其後吳越廣南交州繼獻馴象四十五

頭於南薰門外玉津園東北置養象所作馴象旗

書郭子儀傳

增玉海建炎四年八月戊寅上手寫郭子儀傳付范宗尹示諸將韓世忠等

建日月碑

增遼史太宗紀天顯五年秋八月丁酉以大聖皇帝皇后宴寢之所號日月宮因建

月令輯要

卷十五

八月令

雜紀

五

日月碑

雙塔音聲

增金史選舉志大定十三年八月于憫忠寺策試女直進士寺舊有雙塔進士入院

之夜半聞東塔上有聲如音樂西達於宮考試官完顏蒲涅等日文路始開而有此得賢之祥也

畫蠶麥圖

增元史英宗紀至治二年八月詔畫蠶麥圖於盃頂殿壁以時觀之

八展舞

增元氏掖庭記己酉仲秋之夜武宗與諸嬪妃泛月於禁苑太液池中月色射波池光映

天綠荷含香魚鳥羣集於是畫鶴中流蓮舟夾持往來便捷帝乃開宴張樂令宮女披羅曳縠前為八展舞歌賀新涼一曲

涼一曲

揆藍

原真臘風土記真臘國八月揆藍揆藍者舞也點差伎樂每日就國宮內揆藍且鬪豬鬪象國

主亦請奉使者觀焉

太姥染衣

名勝志藍溪源出太姥山頂每歲八月

居民候其時取水

授司命東卿

西五帝各乘方面色車從羣官來下受

晉八月折楊柳歌

迎歡裁衣裳日月流如水白露

月令輯要

卷十五 八月令 雜紀 香

李嶠八月奉教作

初警候雁上欲凌寒月鏡如開匣

李賀八月樂詞

婦 嬸妾怨夜長獨客夢歸家傍簷蟲

月令輯要

卷十五 八月令 雜紀 香

月令輯要卷十六

九月令

天道

月卦剝

原易剝不利有攸往本義剝落也五陰在下

九月之卦也

日在房

原禮季秋之月日在房集說房在卯大火之次也

中星

原禮昏虛中旦柳中淮南子注虛

月令輯要

卷十六

九月令

天道

律中無射

原禮律中無射集說無射戌律長四寸六

增史記律書九月律中無射無射者陰氣盛用事陽氣無餘也淮南子無射之數四十五主九月百虎通

九月謂之無射何射者終也言萬物隨陽而終也當復隨陰起無有終已

元月

原爾雅九月為元

丙火

原夏小正九月丙火傳丙火也者大火大火也者心也

火猶西流

增左傳哀公十有二年冬十二月螽季孫

畢今火猶西流西流司歷過也注火心星也火伏在今十月猶西流言未盡沒知是九月曆官失一閏左思蜀

都賦大火流涼風
厲白露凝微霜結

招搖指戌

原淮南子季秋之月招搖指戌
增晉書樂志九月之辰謂爲戌戌者滅也謂時物皆

衰滅也

出粟下霜

增春秋繁露季秋九月陰乃始多於陽天
乃是時出粟下霜出粟下霜而天降物

固已皆成矣

萬物畢成

增說文戌滅也九月陽氣
微萬物畢成陽下入地也

暮商

原梁元帝纂要九
月曰暮商季商

月令輯要

卷十六 九月令 天道

二

暮秋

原梁元帝纂要九月
曰暮秋亦曰未秋

御製秋暮詩落葉催寒早山山草徧枯雪晴麋得食風

急鴈銜蘆松古紛披出林深高下殊漫云沙塞地別

自足饒腴

增晉子夜秋歌適憶三陽初今已九秋暮
梁簡文帝詩玉署清餘熱金城含暮秋

甫冉詩洛下聞新
鴈江東想暮秋

杪秋

原楚辭靚杪秋之遙夜兮心繚戾而有哀
增謝靈運詩杪秋臨遠山山遠行不近

九月曰杪秋

梁元帝纂要

陰氣在五

增周易集解黃裳元吉千寶曰陰氣在五九月之時自剝來也

鯉魚風

原提要錄鯉魚風乃九月風也增李賀詩門前流水江陵道鯉魚風起芙蓉老

晏秋

增繁欽秋思賦何晏秋之潛悽處閑夜而懷愁

窮秋

增鮑照白紵曲窮秋九月荷葉黃北風驅鷹天雨霜庾肩吾詩桂巖逢暮序菊水值窮秋

晚秋

增庾肩吾詩早花少餘雪春寒極晚秋李適詩鳳輦乘朝霽鸚鵡林對晚秋朱子詩風高木落晚

秋時日暮千林黃葉稀

霜秋

增徐彥伯淮亭吟矧鶴唳今風曉復猿鳴兮霜秋

月令輯要

卷十六 九月令

天道 三

殘秋

增沈佺期詩郊筵乘落景亭傳理殘秋趙嘏詩獨吟紅葉對殘秋

深秋

增李中詩影疎當夕照花亂正深秋

節序

肅霜

原詩九月肅霜傳肅縮也霜降而收縮萬物疏九月之時收縮萬物者是露為霜也

百工休

原禮是月也霜始降則百工休注寒而膠漆之作不堅好也增謝瞻詩風至授寒服霜降

休百

工

辰角見

原國語辰角見而雨畢注辰角大辰蒼龍之角角星名也見者朝見東方建戌之初寒露

節也雨畢者殺氣
日盛雨氣盡也

天根見

原國語天根見而水涸注天根亢氏之間也
涸竭也謂寒露雨畢之後五日天根朝見水

潦盡竭也月令仲秋水始涸天根見乃盡竭增唐書
曆志先寒露三日天根朝覲時訓爰始收潦而月令

亦云
水涸

本見

原國語本見而草木節解注本氏也謂寒露之
後十日陽氣盡草木之枝節皆理解也增唐書

曆志後寒露十日日
在尾八度而本見

駟見

原國語駟見而隕霜注駟天駟房星也隕落也
謂建戌之中霜始降增唐書曆志後寒露十五

月令輯要

卷十六

九月令

節序

四

日而駟見故隕

霜則蟄蟲瑾戶

火見

原國語火見而清風戒寒注謂霜降之後清風
先至所以戒人為寒備也增唐書曆志霜降六

日日在尾末

火星初見

行嫁娶

原家語霜降而婦功成嫁娶行焉注季秋
霜降嫁娶者始此也增荀子霜降逆女

豐山鐘

原山海經豐山有九鐘焉是知霜鳴郭注霜
降則鐘鳴故言知也增王褒詩律改三秋節

氣應九鐘霜韓愈上賈滑州書豐山上有鐘焉人
所不可至霜既降則鏗然鳴蓋氣之感非自鳴也

庶物堅

增內經各差其分註戌之
月霜清肅殺而庶物堅

草花落

增史記李斯傳故秋霜降者草花落水搖動者萬物作此必然之效也

寒露

增淮南子秋分加十五日斗指辛則寒露音比林鐘三禮義宗寒露者九月之時露氣轉寒故謂之

寒露

霜降

增淮南子寒露加十五日斗指戌則霜降音比夷則三禮義宗九月霜降為中露變為霜故以

為霜

正陰雲

增易通卦驗寒露寒露者霜降之始也

太陰雲

增易通卦驗霜降太陰雲出上如傘下如礮石

月令輯要

卷十六

九月令

節序

五

鷹隼擊

原春秋感精符霜殺伐之表秋季霜始降鷹隼擊王者順天行誅以成肅殺之威

大火之次

增後漢書律曆志注自亢入度至尾四度謂之大火之次寒露霜降居之宋之分野

青冰菱

增洞冥記旦露池西有靈池方四百步有浮根菱根出水上葉沉波下實細薄皮甘香葉

半青半黃霜降彌美因名青冰菱也

石鴈飛

增潯陽記廬山頂上有三石鴈霜降則飛

仙人棗

增洛陽伽藍記景陽山南百果園有仙人棗長五寸把之兩頭俱出核細如鍼霜降乃熟

食之甚美
日西王母棗

收葵子

增齊民要術葵子收待霜降榜簇皆須陰中其碎者割訖即地中尋手糺之
注傷早黃爛

傷晚黑澀見日亦澀待萎而亂者必爛

白鴈

增續本事詩北方白鴈似鴈而小色白秋深乃來白鴈至則霜降河北人謂之霜信杜甫詩云

故國霜前白鴈來謂此

麻生入相

原紀異錄鄭班與李思同為學士鄭閣上麻生李曰承旨入相矣霜降成實乃白麻

也是夜制出拜相蓋拜相用白麻也

揚兵

增西湖志餘霜降之日帥府致祭旗纛之神因而張列軍器以金鼓導之遶街迎賽謂之揚兵

月令輯要

卷十六

九月令

節序

六

護霜雲

增嘉定縣志九月霜降而雲為護霜雲

日次

初一日

辰弗集房

原書乃季秋月朔辰弗集於房傳集合也不合則日蝕可知

宴宣和殿

增舊唐書穆宗紀寶曆二年九月丁丑朔大合宴於宣和殿陳百戲自甲戌至丙子

方已

薦衣

增唐書禮樂志天寶二年始以九月朔薦衣於諸陵通典天寶二年勅朕承丕業肅恭祀事至

於諸節常修薦享且詩著授衣令存休澣在於臣子
猶及恩私恭事園陵未標令式自今以後每至九月
一日薦衣於陵寢貽
範千載庶展孝思

講仁王經

增通鑑代宗永泰元年九月庚寅朔置
百高座於資聖西明兩寺講仁王經

拜日

增遼史太祖紀天贊三年九
月丙申朔庚子拜日於蹕林

天壽節

增金史章宗紀明昌四年九月甲子朔天壽
節御大安殿受親王百官及宋高麗夏使朝

賀

放鴈

增元史郝經傳汴中民射鴈金明池得繫帛書
詩云霜落風高恣所如歸期回首是春初上林

月今輯要

卷十六 九月令 日次

七

天子援弓繳窮海彙臣有帛書後題曰至元五年九
月一日放鴈獲者勿殺國信大使郝經書於眞州忠
勇軍營

新館

周伯琦九月一日紀事詩

增九月灤陽道寒烟暗遠
峒有山皆積雪無水不成

冰獵犬高於鹿鳴鴉大似鷹
欲爲風土記問俗果誰憑

初二日

作墨法

增抱朴子作墨法用雞子白眞珠
麝香合以和墨宜用九月初二日

賜犀金玉帶

增玉海憲宗元和十二年九月初二
日出內庫羅綺犀金玉帶賜裴度

賜進士袍笏

增玉海太平興國三年九月二日賜進士胡旦以下綠袍鞞笏自是以為定制

含譽星見

增玉海祥符二年九月二日司天奏紫微宮中瑞光及含譽星見告天地宗廟及昭

應

注輦國表貢

增玉海祥符八年九月二日己酉注輦國主羅乍遣使奉表來貢詣承明殿以

盤捧珠碧玻瓈布於御座前降殿再拜

初三日

製仁孝詩

增唐會要天寶八載九月三日肅宗生日帝製仁孝詩六章札於步障以示朝臣宰

月令輯要

卷十六 九月令

日次 八

相奏曰宸章煥發睿札凝暉垂日月而齊光自雲霄而下濟爰於誕育之日勉以仁孝之經上揚祖宗之美傍考天人之際發

揮前古垂範將來

地平天成節

原揮塵錄肅宗以九月三日生為地平天成節增玉海肅宗以景雲二年九月

三日乙亥生於東宮之別殿祥光照室

歌舞水曲

增玉海至道元年九月三日西南蕃王龍漢曉遣使進奉西南牂牁諸蠻來貢方物

帝召其使詢以地理風俗因令作本國歌舞一人吹瓢笙數十輩連袂宛轉以足頓地為節問其曲譯者

曰水曲詔加漢曉

等官賜使者遺還

豐年祥瑞增玉海淳熙六年九月三日詔明堂免奏祥瑞上曰朕自有真祥瑞豐年是也百姓

家給人足瑞莫大焉

昭靈夫人降增雲笈七籤方丈臺東宮昭靈李夫人以湯時得道白日昇天受書為東宮昭

靈夫人治方丈臺第十三朱館中東晉哀帝興寧三年乙丑九月三日降於真人楊羲之家

初四日

重明節增宋史禮志光宗以九月四日為重明節

上獻納大典增玉海康定元年九月四日丙辰學士晁宗慤上大理評事蘇舜賓所集獻納

月令輯要卷十六九月令日次九

大典百卷集歷代諫評奏議詔送史館

御書尚書終篇增玉海紹興十三年九月四日御書尚書終篇刊石頒諸州學謂輔臣曰

學寫字不如便寫經書不惟可學字又得經書不忘

初五日

修孔廟器增六一題跋漢韓明府修孔子廟器碑云永壽二年青龍在涪灘霜月之靈皇極之

日永壽桓帝年號也按爾雅歲在申曰涪灘霜月之靈皇極之日莫曉其義疑是九月五日

選樂工增玉海建隆四年九月五日詔選樂工八百三十人隸太常習鼓吹

獻屯田論

增玉海咸平四年九月癸酉五日太子中舍張宗誨獻屯田論三篇召試賜第

范成大九月五日晴煖步後園詩

增海氣烘晴入斷霞半空雲影界山

斜輕羅小扇游蜂畔增天谷種孟中以藥養其翅來時只比東風有菊花增蘇軾東坡詩林寺詩韻亦真氣中似

初六日

陳賜樂書

增玉海崇寧二年九月六日壬午何執中奏禮部郎陳賜撰樂書二百卷欲加優獎

賜欲考定中聲更乞送講議司施行遷賜一秩

士師總龜

增玉海紹興三年九月六日丁巳大理卿李與權以聖賢之訓與謹獄之事分章取

月令輯要

卷十六 九月令 日次 十一

義類聚條分凡三百事列十門總為一書上之繕寫成五冊名曰士師總龜詔錄副本尚書省

紫微夫人九月六日示許長史詩

增解輪太霞上斂轡造紫丘手把八

空氣縱身雲中浮一眇造化綱再視索高疇道要既已是可以解千憂求真得良友不去復何求

初七日

殷七七開花

增唐詩紀事鶴林寺杜鵑花貞元中外國僧自天台鉢孟中以藥養其根來植

於此寺僧見女子遊花下或謂花神也周寶鎮浙西與道人殷七七善謂曰鶴林寺花天下奇絕嘗聞能開頃刻花可開於重九乎曰可乃前二日往寺宿中夜女子謂七七曰妾為上元命下司此花非久即歸

閨苑今與道者開之來日晨起花漸拆至九日爛熳

增嚴鹵簿增玉海康定元年九月七日參知政事宋庠上言車駕行幸自非郊廟大禮具陳鹵簿外其常日導從唯前有駕頭後擁扇繖而已諸班

勁騎頗與乘輿相遠而士庶觀者率隨扈從之人夾道馳走喧呼不禁非所謂旄頭先驅清道後行之謹

欲望專委博學近臣檢討前代儀注及鹵簿令以乘輿常時出入之儀比之三駕

諸仗斟酌儀物增嚴條禁

初八日

太康寺石銘增洛陽伽藍記綏民里東崇義里有京兆人杜子休宅地形顯敞門臨御道時

月令輯要卷十六九月令日次十一

有隱士趙逸云是晉武時人晉朝舊事多所記錄見子休宅歎息曰此宅中朝時太康寺也龍驤將軍王濬平吳之後始立寺本有三層浮圖用輓為之指子

休園中曰此是故處子休掘而驗之果得輓數十萬兼有石銘云晉太康六年歲次乙巳九月甲戌朔八日辛巳儀同三司襄陽侯王濬敬造

國子監閱禮增唐會要開元五年九月八日始令鄉貢明經進士見訖國子監謁先師學官

開講問義有司具食五品以上官及朝集使皆往閱禮

題饅字增劉賓客嘉話錄為詩用僻字須有來處緣明日是重陽欲押一饅字尋思六經竟未見

有饅字不敢為之原聞見後錄劉夢得作九日詩欲用饅字以五經中無之較不復為宋子京以為不然

聞苑今與道者開之來日晨起花漸拆至九日爛熳

故子京九日食饅有詠云廳館輕霜拂曙袍糗餼花
飲闕分曹劉郎不敢題饅字空負詩中一世豪遂爲

古今絕唱

藥市原事物紀原唐王昌遇梓州人得道號易元子
大中十三年九月初集梓州城八日夜於州院街易元

藥輩皆于九月初集梓州城八日夜於州院街易元
飛冲地貨其所齋藥川俗因謂之藥市遲明而散

程君友昇仙增茅亭客話遂州小溪縣石城鎮仙女
堦村民程君友遇道士隨往青城山道

士曰爾有仙表得至於此開囊取丹一粒令吞之曰
若有飢渴則可嚼柏葉柏實君友懇祈願住仙齋道

士曰爾且歸家吾至九月八日當來迎爾君友歸別
止一室嘗焚柏子柏實靜坐無營時嚼柏實三五顆

月令輯要卷十六 九月令 日次 五

而已門外柏樹下有大盘石嘗偃息於上至九月七
日夜如有所待達旦雲霞相映五色君友躡空而去

菊燈增乾淳歲時記禁中例於八日作重九排當於
慶瑞殿分列萬菊燦然眩眼且點菊燈略如元

夕內人樂部
亦有隨花賞

後苑習射增玉海淳化元年九月八日召近臣
後苑習射因御崇政殿觀角抵之戲

馬當助風原撫遺王勃年十三侍父宦遊江左九月
八日舟次馬當山遇老叟曰子非王勃乎

來日重九南昌都督命客作滕王閣序子有清才盍
往賦之勃曰此去七百餘里今已九月八日矣夫何

復言叟曰吾助清風一席
勃登舟翌日昧爽抵南昌

杜甫九日諸人集於林詩

增九日明朝是相要舊俗非老翁難早出賢客幸知

歸舊採黃花賸新梳白髮微
漫看年少樂忍淚已沾衣

白居易九月八日詩

增霜蓬舊鬢三分白露菊新花
一半黃惆悵東籬不同醉陶家

明日是
重陽

皎然九月八日送蕭少府歸洪州詩

增明日重陽今
日歸布帆絲雨

望霏霏行過鶴渚知堪
住家在龍沙意有違

初九日

月令輯要

卷十六

九月令

日次

三

煎茱萸

增禮三牲用藪註藪煎茱萸也漢律會稽獻
焉爾雅謂之椹疏今蜀郡作之九月九日取

茱萸折其枝連其實廣長四五寸一升實可和十升
膏名之藪也本草圖經吳茱萸木高丈餘皮青綠色

葉似椿而潤厚紫色三月開花紅紫色七八月結實
嫩時微黃至成熟則深紫九月九日採原杜審言九

日詩蟋蟀歸期晚茱萸節候新
增權德輿九日
宴集詩風吟蟋蟀寒偏急酒泛茱萸晚更香

採菊

增四民月令九月九日可採菊花鍾會菊花賦
季秋初月九日數并置酒華堂高會娛情百洿

彫瘁芳菊始榮紛
葩韡韡或黃或青

送菊

原魏文帝與鍾繇九日送菊書歲往月來忽逢
九月九日九為陽數而日月竝應俗嘉其名以

爲宜於長久故以享宴高會是月律中無射言羣木
百草無有射地而生惟芳菊紛然獨榮輔體延年莫
斯之貴謹奉一束以助彭祖之術增沈佺
期九日侍宴詩魏文頌菊葉漢武賜萸房

參軍落帽

原晉書孟嘉傳嘉爲征西桓溫參軍溫甚
重之九月九日溫燕龍山寮佐畢集時佐

吏竝著戎服有風至吹嘉帽墮落嘉不之覺溫使左
右勿言欲觀其舉止嘉良久如廁溫令取還之命孫
盛作文嘲嘉著嘉坐處嘉還見卽答之其文甚美四
坐嗟歎增李白九日詩落帽醉山月空歌懷友生杜

甫九日藍田崔氏莊詩羞將短
髮還吹帽笑倩傍人爲正冠

菊華酒

增西京雜記戚夫人侍兒賈佩蘭說宮內九
月九日佩茱萸食蓬餌飲菊華酒令人長壽

月令輯要

卷十六

九月令

口次 古

菊華舒時并採莖葉雜黍米釀之至來年九月九日
始熟就飲焉故謂之菊華酒聖惠方治頭風頭旋用
九月九日菊華暴乾取家糯米一斗蒸熟用五兩菊
華末搜拌如常醞法多用細麩麴爲酒候熟卽壓之
去滓每煖一小盞服宋之問重陽

應制詩時菊芳仙醞秋蘭動睿篇

插萸房

原風土記九月九日律中無射而數九俗尙
此日折茱萸房以插頭言辟除惡氣而禦初

寒

講孝經

原晉陽秋寧康三年九月九日上嘗講孝經
謝安侍坐陸納下耽執讀謝石袁宏執經車

胤王溫

摘句

丁姑息日

增搜神記淮南全椒縣有丁新婦者本丹陽丁氏女適全椒謝家其姑嚴酷使役有

程不如限者答捶不可堪九月九日乃自經死遂有靈嚮發言於巫祝曰念人家婦女作息不倦使避九月九日勿用作事江南人皆呼為丁姑

九月九日咸以為息日也今所在祠之

幸商廳館

增齊書武帝紀永明五年九月己丑詔曰九日出商廳館登高宴羣臣辛卯車駕幸

商廳館上所立在孫陵岡世呼為九日臺者也建康宮殿簿商廳觀在東北十三里籬門亭後亭墩上齊

武帝重九日登以宴羣臣

戲馬臺

原齊書禮志宋武為宋公在彭城九日出項羽戲馬臺至今相承以為舊准增謝靈運九

月令輯要

卷十六 九月令 日次 五

日從宋公戲馬臺集送孔令詩良辰感聖心雲旗典暮節鳴葭戾朱宮蘭卮獻時哲餞宴光有孚和樂隆

所缺在宥天下理吹萬羣方悅

馬射

原齊書禮志九月九日馬射或說云亭上秋金之節講武習射像漢立秋之禮

受旨賦詩

增南史齊蕭子顯傳子顯嘗自為序云前代賈傅崔馬邯鄲繆路之徒竝以文章顯

所以屢上歌頌自比古人天監六年始預九日朝宴稠人廣坐獨受旨云今雲物甚美卿將不斐然賦詩

詩既成又降旨曰可謂才子余退謂人曰一顧之恩非望而至遂方賈誼何如哉未易當也

白衣送酒

原續晉陽秋陶潛九月九日無酒於宅邊菊叢中摘菊盈把坐其側久之望見白衣

至乃王弘送酒也卽便就酌醉而後歸增王勃九日詩九日重陽節開門有菊花不知來送酒若箇是陶家杜審言九日詩降霜青女月送酒白衣人李白詩淵明歸去來不與世相逐爲無杯中物遂偶本州牧因招白衣人

笑酌黃花菊山

登高

源續齊諧記汝南桓景隨費長房遊學累年長房謂曰九月九日汝家中當有災宜急去令家人各作絳囊盛茱萸以繫臂登高飲菊花酒此禍可除景如言齊家登山夕還見雞犬牛羊一時暴死長房聞之曰此可代也今世人九日登高飲酒婦人帶茱萸囊蓋始於此增物原齊景公始爲登高唐詩紀事景龍三年九月九日中宗幸臨渭亭登高御製序云陶潛盈把既浮九醞之歡畢卓持螯須盡一生之

月令輯要

卷十六

九月令

日次

去

典人題四韻同賦五言其最後成罰之引滿是宴也韋安石蘓瓌詩先成于經野盧懷慎最後成罰酒王維九日憶山東兄弟詩獨在異鄉爲異客每逢佳節倍思親遙知兄弟登高處遍插茱萸少一人

藉野飲宴

增荆楚歲時記九月九日四民並藉野飲宴

鳳嶺

增襄陽記望楚山舊名馬鞍山宋武陵王駿爲刺史改爲望楚山後遂龍飛人號爲鳳嶺高處

有三陞卽劉弘山簡九日宴賞之所

湖山讌會

源臨海記郡北四十步有湖山山甚平正可容數百人坐民俗極重九日菊酒之辰

讌會於此山者常至三四百人

龍沙升高

水經注贛水又北逕龍沙西沙甚潔白高峻而陔有龍形連亘五里中舊俗九月

九日升
高處也

桑落酒

齊民要術笨麴桑落酒法預前淨剗麴細剉曝乾作釀池以藁茹甕黍米淘須極淨九

月九日日未出前收水九斗浸麴九斗當日即炊米九斗為饋下饋著空甕中以釜內炊湯及熟沃之令饋上者水深一寸餘便止以盆合頭良久水盡饋熟極軟瀉著席上攤之令冷挹取麴汁於甕中搗塊令破瀉甕中復以酒杷攪之每甕皆然兩重布蓋甕口七日一甕每甕皆用米九斗隨甕大小以滿為限假令六甕半前三甕皆用沃饋半後三甕作再餽黍其七甕者四炊沃饋三炊黍飯甕滿好熟然後押出香月令輯要卷十六九月令日次

美勢力倍
勝常酒

曲江賦詩

舊唐書德宗紀貞元十三年九月辛卯九日宴宰臣百官於曲江上賦詩以賜之

山池賜宴

舊唐書德宗紀貞元十八年九月癸亥賜羣臣宴於馬麟山池上賦九日賜宴詩

六韻
賜之

賜詩考第

舊唐書劉太真傳貞元四年九月賜宴曲江亭詔曰卿等重陽會宴朕想歡洽欣

慰良多情發於中因製詩序今賜卿等一本可中書門下簡定文詞士三五十人應制同用清字明日納於延英門進來宰臣李泌等雖奉詔簡擇難於取捨由是百僚皆和上自考其詩以太真及李紆等四人

爲上等鮑防于邵等四人爲次等張濛殷亮等二十四人爲下等而李晟馬燧李泌三宰相之詩不加考第德宗詩早衣對庭燎躬化勤意誠時此萬機暇適與佳節并曲池潔寒流芳菊舒金英乾坤爽氣滿臺殿秋光清朝野慶年豐高會多歡聲永懷無荒戒良士期同情

登慈恩寺塔

唐書李適傳凡天子遊幸秋登慈恩寺浮圖獻菊花酒稱壽上官昭容九月九

日上幸慈恩寺登浮圖羣臣上菊花壽酒詩帝里重陽節香園萬乘來却邪萸入佩獻壽菊傳杯塔類承天湧門疑待佛開睿詞懸日月長得仰昭回宋之問奉和詩瑞塔千尋起仙輿九日來萸房陳寶席菊葉散花臺御氣鵬霄近升高鳳野開天歌將梵樂空裏共徘徊

月令輯要卷十六 九月令 日次 大

學士別會

唐書韋綬傳穆宗時九月九日宴羣臣曲江綬請集賢學士得別會

麻葛糕

增六典僖部節日食料九日麻葛糕

賜射

增唐會要貞觀十六年九月九日賜文武五品以上射於元武門啓顏錄唐宋國公蕭瑀不解

射九月九日賜射瑀箭俱不著椌一無所獲歐陽詢詠之日急風吹緩箭弱手馭強弓欲高翻復下應西還更東十迴俱著地兩手併擎空借問誰爲此乃應是宋公

豐年多慶詩

增唐會要貞元十八年九月癸亥重陽御製豐年多慶九日示懷詩賜羣臣詩

爽氣肅時令早衣間朔鴻重陽有佳節具物欣年豐皎潔暮潭色參差新菊叢芳樽滿衢室繁吹疑烟空

惠合信吾道保和惟爾同
推誠至元化天下期為公

右軍宅會

臨汝南城縣立晉王羲之為臨川內史宅

於郡城東偏荀伯子臨川記曰右軍故宅其地爽塏
山川若畫每重陽日二千石多萃於斯舊宅及墨池
猶存

造脯餅佩符

金門歲節記洛陽人家重陽發

賞魏暮詩

唐詩紀事宣宗重陽錫宴羣臣有御製

方倚注叶力共安邊幸臣以下應制皆和上日宰相
魏暮詩最佳其兩聯云四方無事去宸豫杪秋來八
月令輯要卷十六九月令日次元

水寒光起十山霽
色開上嘉賞久之

沙苑射鶴

集異記明皇天寶十三載重陽日獵於

而中其鶴帶箭矯翰西南而逝益州城距郭十五里
有明月觀觀之東廊第一院有青城山道士徐佐卿
歲率三四至一日忽自外至神爽不怡謂院中人曰
吾行山中偶為飛矢所加尋已無恙然此箭非人間
所有吾畱之於壁後年箭主到此即宜付之仍記
壁云畱箭之時則十三載九月九日也及明皇幸蜀
暇日命駕行遊偶至斯觀既入此堂忽覩挂箭取而
翫之蓋御箭也佐卿所題乃前歲沙苑縱斂之日也
佐卿乃中箭孤鶴耳上大奇之因收其箭
而寶焉自後蜀人亦無復有逢佐卿者矣

題詩廳事

增北夢瑣言李商隱依令狐楚以箋奏受知相國既歿子綯繼有韋平之拜疎隴西

未嘗展分重陽日義山詣宅於廳事上題詩曰曾共
山公把酒卮霜天白菊正離披十年泉下無消息九
日樽前有所思莫學漢臣栽首猶還同楚客詠江離
郎君官貴施行馬東閣無由得再窺綯觀之慙悵扁
開此廳終
身不處

米錦糕

增食譜張手美家重九米錦糕

曲宴太清樓

增宋史仁宗紀慶曆五年九月辛卯以重陽曲宴近臣宗室於太清樓

孫夫人飛昇

原太平廣記孫夫人三天法師張道陵之妻煉金液還丹依太乙元君所授黃

月令輯要

卷十六 九月令 日次

三

金之法積年丹成變形飛化無所不能漢桓帝永壽
二年丙申九月九日與天師於閭中雲臺白日昇天
位至上真

東岳夫人

尹氏歌

原江南野史永新尹氏女善歌重陽登南山文峰同輩促之歌一曲聲達數十里故俗云

尹氏之歌聞於長安刺史表獻入宮為唱歌供奉

寒花晚節

增李彥平錄韓魏公在北門九日燕諸僚佐有詩云不羞老圃秋容淡猶有寒花晚

節香識者知其晚節之高

滿城風雨

原潘大臨答謝無逸書秋來景物件件是佳致昨日清臥聞攪林風雨聲遂起題筆

日滿城風雨近重陽忽催租
人至敗意止此一句奉寄

布衣與宴

原事文類聚韓忠獻嘗遇重陽置酒私第
惟歐文忠與一二執政而蔣明允乃以布

衣參其間都人以爲異禮席間賦詩明允有佳節屢
從愁裏過壯心還倚醉中開之句其志氣不少衰

飲新酒

趙抃詩更上高峰最高處黃花新酒醉重陽
乾淳歲時記重九都人飲新酒泛萸簪菊

供進夾服

乾淳歲時記重九日御前供進夾羅御
服臣僚服錦襖子夾公服授衣之意也

菊糕

乾淳歲時記重九都人各以菊糕爲饋以糖
肉林麪雜物爲之上縷肉絲鴨餅綴以榴顆標

以綵旗又作蠻王獅子於上及麩粟
爲屑合以蜂蜜印花脫餅以爲果餌

月令輯要

卷十六 九月令 日次

三

設火開爐

乾淳歲時記重九日御爐
設火皇后殿開爐節排當

春蘭秋菊

乾淳歲時記重九日都人以蘓子微漬
梅瀟雜和蔗霜梨橙玉榴小顆名曰春蘭

秋菊

菊花洞戶

增東京夢華錄九月重陽都下賞菊有數
種其黃白色藥若蓮房曰萬齡菊粉紅色

曰桃花菊白而檀心曰木香菊黃色而圓者曰金鈴
菊純白而大者曰喜容菊無處無之酒家皆以菊花

縛成洞戶

聚香鼎

增清波雜志毘陵士大夫有仕成都者九日
藥市見一銅鼎已破闕旁一人贊取之既得

問何所用曰歸以數爐炷香環此鼎香氣皆聚于中試之果然乃名聚香鼎

賜新橘

原

合璧事類唐太宗蓬萊殿御間試遊夫納九日宴羣臣酒賜湖南新橘八

服白菊

原

太清靈寶方九月九日白菊花二斤茯苓一斤竝搗羅為末每服二錢溫酒調下或以

煉過松脂為丸雞子大每服一丸久服令人好顏色不老

射虎

增

遼史禮志九月重九日天子率羣臣部族射虎少者為負罰重九宴射畢擇高地卓帳賜蕃

漢臣僚飲菊花酒兔肝為麯鹿舌為醬又研茱萸酒門戶以禴禳國語謂是日為必里遲離九月九日也

月令輯要

卷十六

九月令

日次

三

拜天

增

金史太祖紀收國元年九月九日拜天射柳歲以為常又禮志金因遼舊俗重九日行拜天

之禮於都城外其制剗木為盤如舟狀赤為質畫雲鶴文為架高五六尺置盤其上薦食物其中聚宗族拜之若至尊則於常

武殿築臺為拜天所

花糕宴

增

燕都遊覽志重九日勅賜百官花糕宴原帝京景物略九月九日麪餅種棗栗其面星

星然曰花糕糕肆標紙綵旗曰花糕旗父母家必迎女來食花糕亦曰女兒節

得橘登第

增

莆田縣志碧溪上有仙人巖巖上野橘其實無時得者為瑞宋元祐間方亞夫薛

蕃皆以九日遊巖人得一橘竝登第

祝百事高原遵生八牋呂公記九日天明時以片糕搭兒女頭額更祝曰願兒百事俱高作三聲

延算齋增雲笈七籤三洞奉道科云九月九日為延算齋

御製九日幸景山登高詩秋色淨樓臺登高紫禁隈千

門鳴鴈度萬井霽烟開翠拂鑾輿上雲隨豹尾來佳

辰欣宴賞滿泛菊花杯

御製九日對菊詩不與繁花競寒苞晚更香數莖偏挺

月令輯要卷十六 九月月令 日次 三

秀嘉爾傲風霜

雲林右英夫人九月九日詩增晨闕太霞構玉室起霄清領略三奇觀浮景

翔絕冥丹華空中有金暎育挺精八風鼓錦披碧樹曜四靈華蓋廕蘭暉紫轡策綠輶結信通神交觸類

率天誠何事外象感須覩瑤玉瓊

陶潛九月九日詩增靡靡秋已夕淒淒風露交蔓草不復榮園木空自凋清氣澄餘滓

杳然天界高哀蟬無流響叢鴈鳴雲霄

梁丘遲九日侍宴樂遊苑詩增朱明已謝蓐收司禮爰理秋被備揚旌榮奉

璋峩峩金貂濟濟上林弘敞離宮非一綵殿迴風月
樓映日隨珠甲帳屯衛周悉晬容徐動天儀澄謐雲
物旂颺光景高麗枯葉未落黃花委砌絲
桐激舞楚雅開慧參差繁響殷勲流詣

唐高宗九日詩

增 瑞居臨玉辰初律啓金商鳳闕澄
秋色龍闈引夕涼野淨山氣斂林疎

風露長砌蘭虧半影巖桂發全香滿蓋荷彫翠圓花
菊散黃揮鞭爭電烈飛羽亂星光柳空穿日碎玆虛
側月張怯猿啼啼落岫驚鴈斷分

行斜輪低夕景歸旆擁通莊

唐德宗重陽日中外同歡以詩言志因示羣官詩

增 爽

節在重九物華新雨餘清秋黃葉下菊散金潭初萬
寶行就稔百工欣所如歡心暢遐邇殊俗同車書至

月令輯要

卷十六

九月令

日次

酉

酉

化自敦睦佳辰宜宴胥鏘鏘間絲竹濟

濟羅簪裾此樂匪足耽此誠期永孚

李嶠九日應制詩

增 令節三秋晚重陽九日歡仙杯
還泛菊寶饌且調蘭御氣雲霄近

乘高宇宙寬今朝萬

壽引宜向曲中彈

李乂九日應制詩

增 望幸紆千乘登高自九重臺疑
臨戲馬殿似接疏龍捧篋萸香遍

稱觴菊氣濃更看仙

鶴舞來此慶時雍

張說九日進茱萸山詩

增 家居洛陽下舉目見嵩山
刻作茱萸節情生造化間

王維和聖製重陽節宰臣及羣官上壽詩

增 四海方
無事三秋

大有年百生逢此日萬壽願齊天芍藥和金鼎茱萸
插玳筵玉堂開右个天樂動宮懸御柳疎秋景城鴉
拂曙烟無窮菊花
節長奉栢梁篇

杜牧九日齊山登高詩增江涵秋景鴈初飛與客攜
壺上翠微塵世難逢開口笑

菊花須插滿頭歸但將酩酊酬佳節不用登臨
怨落暉古往今來只如此牛山何必淚沾衣

歐陽修九日詞增九日歡遊何處好黃花萬萼雕欄
遶通體清香無俗調天氣好烟滋露

結功多少日脚清寒高下照寶釘密綴圓斜
小落葉西園風嫋嫋催秋老叢邊莫厭金樽倒

蘇軾九日次韻定國詩增菊盞萸囊自古傳長房寧
復是臞仙應從漢武橫汾日

月令輯要卷十六九月令日次 五

數到劉公戲馬年對玉山人今老矣見恆河性
故依然王郎九日詩于首今賦黃樓第二篇

蘇軾九日舟中望見有美堂上魯少卿飲以詩戲之

增指點雲間數點紅笙歌正擁紫髯翁
誰知愛酒龍山客却在漁舟一葉中

朱子九日登天湖詩增去歲瀟湘重九時滿城寒雨
客思歸故山此日還佳節黃菊

清樽更晚暉短髮無多休落帽長風不斷且
吹衣相看下視人寰小祇合從今老翠微

初十日

小重陽增玉海貞元十年九月十日戊子以重陽賜
百條追賞原歲時記京師士庶多於重九後

一日再會謂
之小重陽

御製康熙十七年九月初十日奉

太皇太后臨御溫泉恭紀五言排律八韻

慈寧方曉日掖輦幸溫泉羽騎清塵道華旗衛御前九重

雙闕迴三輔萬家連蔥鬱東臯樹蒼茫北嶺烟問安

頻色喜侍膳每心懸孝養尊

親重時巡法

月令輯要卷十六 九月令 日次 三

祖虔村村施化溥處處得恩先更慮民情隱深慚撫八埏

鄭谷十日菊詩

原節去蜂愁蝶不知曉庭還繞折殘枝自緣今日人心別未必秋香一夜

衰

徐鉉十日和張少監詩

重陽高會古平臺吟徧秋光始下來黃菊後期香未減

新詩捧得眼還開每因佳節知身老却憶前歡似夢迴且喜清時屢行樂是非名利盡悠哉

十一日

送河州守

增玉海嘉祐二年翰林侍讀學士李淑以九月十一日出守河州御製五言六韻詩

宗鼎神鸞尺帝詩書後之半鼎容一解羊鼎五斗豕
之讀獸官籍以爲校古亭掛數懸對命詞殿時製

進西漢會要增玉海嘉定四年九月徐天麟表進所
編西漢會要七十卷總爲十五門分三

百六十有七事十一
日丁卯有旨藏秘閣呈報五羊大良十三日亥寅

展藥市原事物紀原梓州九月初八日藥市逮本朝
天聖中燕龍圖肅知郡事又展爲三日至十

一日映取商交器本圖繪明對去見其應出
而罷小玉昌香賢益本飲賦發對飲水嫩管飲茶出

十二日增玉海景祐二年九月十二日
依新黍定律尺每十黍爲一寸

定律尺增玉海景祐二年九月十二日
依新黍定律尺每十黍爲一寸

月令輯要卷十六 九月令 日次 毛

儋耳醉書增長公外紀九月十二日東坡在儋耳與
客飲酒小醉信筆書曰吾始至南海環視

天水無際悽然傷之曰何時得出此島耶已而思之
天地在積水中九州在大瀛海中中國在少海中有

生孰不在島者覆盆水於地芥浮於水蟻浮於芥茫
然不知所濟少焉水涸蟻即徑去見其類出涕曰幾

不復與子相見豈知俯仰之閒有
方軌八達之路乎念此可以一笑

鑄鼎作鸞刀增玉海皇祐五年九月十二日戊寅鑄
鼎十有二圖丘用五宗廟七又作鸞刀

郊廟各一初賈昌朝侍經筵帝問鼎卦聖人亨以享
上帝今郊何以無鼎昌朝不能對曰容退而講求於

是詔禮官議以爲郊有亨牲進熟遂命阮逸胡瑗鑄
銅鼎制鸞刀帝親書刻之牛鼎容一解羊鼎五斗豕

宴右文殿

增玉海淳熙五年九月十二壬申日幸秘書省受朝右文殿移御秘閣入東西壁觀

累朝御書上手以光堯太上皇帝所書琴賦示羣臣諭曰此鍾王所不及既又脩太平興國故事張宴右文酒五行罷翌日癸酉賜御製詩

詩有宴開芸閣坐對蓬山之語

寺塔現光

增識小編永樂十七年九月十二日欽頒佛經至大報恩寺當日夜本寺塔現舍利

光如寶珠次現五色毫光慶雲捧日

十三日

月令輯要卷十六 九月令 日次 壬

獻瑞應圖

增唐會要開元十三年九月十三日潞州獻瑞應圖上謂宰臣曰朕在潞州但靖以

恭職不記此事今既因請編錄可召藩僚問其實事然後修圖

講乾卦

增玉海皇祐四年九月己未十三日御閣召賈昌朝講乾卦用九日外以剛健決事內以

謙恭應物詔褒荅以卦義付史館上曰昌朝位將相而執經朝廷美事也

上寬恤詔令

增玉海紹興二十五年九月十三日丁巳宰臣上寬恤詔令一百六十八卷目錄

錄三十一卷修書旨揮一卷共二百卷五十一門詔名曰紹興編類寬恤詔令頒行之

十四日

賞緋紫魚袋

增蘇氏記自永徽已來正員官始佩魚

至開元八年九月十四日中書令張嘉貞奏致仕及內外官五品已上檢校試判及內供奉官準正員例佩魚自後恩制賞緋紫例兼魚袋謂之

服章

觀騎射

增玉海乾德四年九月十四日觀衛兵騎射張樂賜從官飲

香檀魚契

增玉海皇祐二年九月十四日庚子皇城

畱中右付本司各長尺有一寸博二寸八分厚六分刻魚形鑿柄相合鏤金為文車駕至門勘契官執右契奏閣門使降左契勘契官勘畢奏云外契合

月令輯要

卷十六 九月令

日次

无

十五日

神著立

增唐會要景龍二年九月十五日臨淄王將

朝京師使術士韓從禮筮之卦未成而一著翹立從禮曰此天人之瑞潘炎神著立賦惟聖人之觀象乃神動而鬼入列八卦以效變翹孤莖而子立著之立兮發其祥吾君得之尊以光明乎太極演彼歸藏因卜祝之符瑞應天人之會昌

邇英講論語

增蘇軾詩集九月十五日邇英講論語

中使就賜御書詩各一首臣軾得紫薇花絕句翌日各以表謝又進詩篇

水晶宮

增豹隱紀談吳興之水晶宮不載圖經刺史楊漢公九月十五日夜絕句云江南地煖少

南風九月炎涼正得中溪上玉樓樓上月清光合作
水晶宮後來林子中間滕元發得湖州以詩賀何洵
直邦彥曰清風樓下兩溪春三十餘年一夢新
欲識玉皇香案吏水晶宮主謫仙人因為故事

朱文公生

增延平府志文山在青印溪濱隔溪為公
山邑人義齋鄭氏居此宋韋齋先生朱松

為尤溪尉任滿假館於鄭氏建炎庚戌九月十五日
考亭夫子生焉先是二山草木繁密及考亭既生野
燒同時盡焚山形畢
露儼若文公二字

大禮喜晴

增西湖志餘淳熙三年九月十五日明堂
大禮十三日雨未時奏請宿齋十四日駕

詣景靈宮回太廟宿齋雨不止十五日晴色甚佳車
駕自太廟乘輅還內日映御袍天顏甚喜張掄進臨

月令輯要

卷十六

九月令

日次

三

江仙云聞道彤庭森寶仗霜風逐雨驅雲六龍扶輦
下青冥香隨鸞扇遠日映赭袍明簾捲天街人頂戴
滿城喜氣氤氳等閑散作八荒
春祇知天意好昨夜月華新

僧廣宣九月十五日夜宿鄭尚書東亭詩

增霜天晴
夜宿東齋

松竹交陰愜素懷迥出風塵
心得地可憐三五月當階

梅堯臣九月十五日夜北樓望太湖詩

增東吳臨海
若看月上青

冥河漢微分練星辰淡布螢細烟沉遠水
重露裊空庭孤坐饒清典唯將影對形

十六日

置醫學

增

玉海貞觀三年九月癸丑十六日諸州置醫學御製廣濟廣利等方書

龍見中天

增

懸筍瑣探天順七年九月十六日有一物見於中天淡白垂長數丈尾微曲少頃

不見忽又垂出閃閃若動細如數百丈線人言此龍也

十七日

藝文類聚成

增

唐會要高祖武德七年九月十七日給事中歐陽詢奉敕撰藝文類聚成上

試賢良方正

增

玉海景德三年九月十七日丙辰御崇政殿試賢良方正錢易石待問

月令輯要

增

卷十六九月令

日次

補九域志

增

玉海紹聖四年九月十七日兵部侍郎黃裳言今九域志所載甚略願詔職方取

四方郡縣山川民俗物產古跡之類輯為一書補綴遺缺詔秘書錄山海經等送職方檢閱

書資治通鑑

增

玉海建炎二年九月十七日戊戌日上書資治通鑑第四冊賜黃潛善

十八日

賜稽古閣名

增

玉海大觀二年九月十八日州縣藏書閣賜名稽古

幸玉津園

增

玉海淳熙元年九月十八日幸玉津園宴射賦七言詩賜會懷以下與宴者皆和

明太祖誕生

原

太祖高皇帝誕生龍興慈記誕時攜浴

於河忽水中浮起紅羅一
方取爲襪今名紅羅幃云

嘲菊花 增韓琦閱古堂前植菊二本九月十八日花
猶未開因以小詩嘲之只趁重陽選菊栽當

欄殊不及時開風霜日緊
猶何待甚得迎春見識來

唐德宗九月十八日賜百僚追賞因書所懷詩 增雨
霧霜

氣肅天高雲日明繁林已墜葉寒菊仍舒榮懿此秋
節時更延追賞情池臺列廣宴絲竹傳新聲至樂非
外獎浹歡同中誠庶敦
朝野意永使風化清

十九日

月令輯要卷十六 九月令 日次 三

展重陽 原事文類聚九月
十九日日展重陽

廷試賜御書 增玉海紹興五年九月十九日賜新及
第汪應辰以下御書石刻中庸篇廷試

畢賜御書
自此始

菊花賦 增退齋雅聞錄劉拱衛遠宣和初守祁州嘗
接伴北使李處能處能謂遠曰本朝道宗皇

帝好文先人昔荷異眷嘗于九日進菊花賦次日賜
批荅一絕句云昨日吟卿菊花賦碎剪金英作嘉句

至今襟袖有餘香
冷落秋風吹不去

范成大九月十九日飲清心堂觀晚菊詩 增歸來翠
帷卷聊共

黃花笑雖無落帽
風亦復接離創

二十日

幸講武臺

增玉海太平興國二年九月果鳳異之
辛亥二十日幸講武臺大閱

賜御書尚書

增玉海紹興五年九月二十庚寅日賜
趙鼎御書尚書一部翼日鼎奏謝上曰

尚書所載君臣相戒敕之言所以賜卿欲共由此道以成治功

蘇軾九月二十日微雪懷子由弟詩

增岐陽九月天
微雪已作蕭條

歲暮心短日送寒砧杵急冷官無事屋廬深愁腸別
後能消酒白髮秋來已上簪近買貂裘堪出塞忽思

月令輯要

卷十六 九月令

日次

三

乘傳問

西琛

二十一日

上曆法九議

增玉海乾道六年九月二十一日成
都曆學進士賈浚上曆法九議一冊

逢栲栳

增前定錄延陵包隰泝舟於隋河時已迫選
限率僮僕爲之挽過符離縣西古樹下有穴

若廢井然一僕忽誤墜落久而方出捉一片石有小
篆曰旁有水上有道入百年中逢栲栳衆咸異之而

莫知所謂尋問墜坑者名栲栳也
時元和三年九月二十一日矣

二十二日

置官均貨

增唐會要武德元年九月二十二日高祖詔置常平監官以均天下之貨

書坐右屏

增玉海建炎二年九月二十二日內出親書坐右素屏旅葵一篇大有大畜二卦與

孟子之言七凡十扇遣中使宣示宰執

孔武仲九月二十二日西館雨中詩

增西館蕭然擁屬裘渾無桃李

似潘侯路多綠竹遮關雨池有殘荷掩映秋蠻獠謳歌逢樂歲江湖風景憶扁舟衣冠到底爲身累祇慕逍遙寄一丘

二十三日

月令輯要

卷十六 九月令 日次 酉

進大射圖

增玉海淳化五年九月壬子二十三日中書門下獻大射圖大約如朝謁元會之禮

酒三行有司奏賜王公下射侍中稱制可皇帝改服武弁射於殿上布七埒於殿下自公卿大夫各有著位開樂廬於東廂中設熊虎等侯陳賞物於東階以賞能者設醴爵於西階以罰否者並畫其冠冕儀式表著埒埒之位以進上覽嘉之

唐庚九月二十三日天氣始寒詩

增朝來怪底冷前此已重陽漸逼禱

禱節稍聞灰火香烟嵐向冬淨橘柚香大畜二卦

二十四日

高麗歸置常平監官以均天下之貨

城
置安西都護

增唐會要貞觀十四年九月二十四日平高昌於西州置安西都護府治交河

天清節

原玉海周世宗九月二十四日生名天清節百寮上表曰壽丘降跡爰符出震之期里社

應祥式契承乾之運候屬澄河時當降聖鰈水鷄林望堯雲而獻祝桓圭穀璧趨禹會以駿奔請以二十四為天清節所翼金相玉振負寶曆以彌新地久天長煥文編而不朽從之

觀醮

增玉海天禧二年九月二十四日壬午土御樓觀醮宴是日慶雲見於樓上日生赤黃理

章奏置籍

增玉海乾道二年九月秘書少監汪大猷言陛下樂聞忠言內之臺諫外之監司郡

月令輯要

卷十六 九月令 日次 五

守又有輔臣之轉對公車之召見隆寬廣問殆無虛日欲望凡臺諫侍從章奏各置一簿隨所上錄之一留禁中時備觀覽或可采付外施行一授大臣使詳閱庶幾言皆底績二十四日甲子詔臺諫章奏置籍以便出入天氣與文辭而本外資

觀覽

天禧增風覽金瓶王恭食寶曆

聖德記

增玉海嘉定五年九月二十四日吏侍彭龜年之子欽纂龜年勸講所得聖語及事實本

未名聖德記上

宋日華正朝禮文卷山贊之甲加之詔付史館

二十五日

加減糴糶

增唐會要開元二年九月二十五日以穀賤傷農令諸州加時價糶米貴減價以糶

大饗明堂

增玉海皇祐二年九月二十五日己酉以大饗明堂具大駕鹵簿赴景靈宮行薦饗

禮畢齋於太廟翼日庚戌詣七室行朝饗之禮降神樂作帝密諭樂卿令備其音節禮儀使請憩小次帝

拱立
益莊

陸游九月二十五日早起待旦詩

增堪笑枯腸漸畏
茶夜闌坐起聽城

笻爐溫自撥深培火燈暗猶垂半結花斷夢不妨尋
枕上孤愁還似客天涯埽塵拾得殘詩藁滿紙風鴉

斜
字半

二十六日

月令輯要

卷十六

九月令

日次

美

改佩金龜

增唐會要天授元年九月二十六日改內外官佩魚為龜

召觀圖屏

增玉海祥符二年九月丁丑二十六日召宗室觀書龍圖閣因覽尚書圖皇祐之無

逸圖治平
之洪範屏

二十七日

校試材武

增玉海康定元年范仲淹請選諸軍班材武九月二十七日命學士王度等校試差

為五等中選者
百八十一人

建射圃

增玉海淳熙元年九月二十七日詔臨安府擇寬閑地建射圃備百僚習射

二十八日

玉海太平興國二年九月二十八日

校獵近郊

增玉海太平興國二年九月二十八日丙辰校獵於近郊帝御弧矢射走兔四

梅堯臣九月二十八日題牡丹詩

增香苞已向青春發又見秋深特地

開應笑菊殘無意思不能邀賦洛陽才

范成大九月二十八日湖上檢校籬落詩

增村北村南打稻聲

荒園屐齒亦嬉晴菊邊更覺朝陽好松下徧聞晚吹清一歲無非吾樂事千金不博此閑行周遭踏遍芙蓉岸足痺腰

頑栩栩輕

月令輯要

卷十六

九月令

日次

三

二十九日

幸慶善宮

增唐會要貞觀六年九月二十九日幸慶善宮宴從臣於渭濱其宮即太宗降誕之所上賦詩十韻賞賜閭里有同漢之豐沛焉於

是起居郎呂才播於樂府名曰功成慶善樂

蘇軾草九月二十九日賜文彥博生日詔

增陽月載臨剛辰協

吉篤生元老弼亮四朝允為廊廟之華

三十日

天開眼

增樂郊私語已亥秋九月晦余曉詣嘉禾時曉星猶在樹杪忽西南天裂數十百丈光燄

如猛火照徹原野一時村犬皆吠宿鳥驚飛諦觀裂處蟬蛻而動若金融於冶鑄者少時方合操舟者謂余曰此天開眼也

元稹賦得九月盡詩增霜降三旬後冥餘一葉秋元陰迎落日涼魄盡殘鈎半夜灰

移瑄明朝帝御裘潘安過今夕休詠賦中愁

杜牧夜雨詩增九月三十日雨聲如別秋無端滿堦葉共白幾人頭點滴侵寒夢蕭瑟著淡

愁漁歌聽不唱
蓑溼棹迴舟

徐鉉九月三十夜雨詩增獨聽空堦雨方知秋事悲寂寥旬假日蕭颯夜長時別

月令輯要卷十六 九月令 日次 壬

念紛紛起寒更故故遲情人如不醉定是兩相思

政典

居總章右个原禮天子居總章右个注總章右个西堂北偏

申嚴號令原禮是月也申嚴號令命百官貴賤無不務內以會天地之藏無有宣出注內謂收

斂入之也會猶聚也疏於此月之時敕命百官貴之與賤無不務內內謂收斂其物言貴之與賤無有一人不勤務收斂內物以會天地之藏者會猶趣也言心皆趣嚮天地所藏之事謂心順天地以深閉藏也無有宣出者以物皆收斂時又閉藏無得有宣露出散其物以逆時氣

藏帝籍之收

原

禮乃命冢宰農事備收舉五穀之要藏帝籍之收於神倉祇敬必飭疏帝籍

者供上帝之籍田也神倉者貯祀鬼神之倉也言天子於此月命冢宰藏此帝籍所收禾穀於此神倉之中當須敬而復敬必使飭正

命民入室

原

禮乃命有司曰寒氣總至民力不贖堪其皆入室集說總至凝聚而至也嘗

入學習吹

原

禮上丁命樂正入學習吹注為將饗帝也春夏重舞秋冬重吹也疏習舞吹必用

丁者取其丁壯成就之義欲使學者藝業成故也增月令章句季秋之月上丁入學習吹所以通氣也管

簫笙竽塤箎皆以吹鳴者也

月令輯要

卷十六

九月令

政典

堯

大饗帝

原

禮是月也大饗帝注言大饗者遍祭五帝也增集說仲夏大雩祈也此月大饗報也三

禮義宗九月大享帝於明堂之中孝經云宗祀文王於明堂是也舊唐書禮儀志季秋祀五方天上帝於

明堂元帝配牲用蒼犢二五人入也通鑑卷九十四

犧牲告備

原

禮嘗犧牲告備於天子注嘗者謂嘗羣神也天子親嘗帝使有司祭於羣神禮畢

而告對禮焉

合制受朔

原

禮合諸侯制百縣為來歲受朔日注秦

以建亥之月為歲首於是歲終使諸侯及鄉遂之國受此法焉合諸侯制者定其國家宮室車旗衣服禮儀也諸侯言合制百縣言受朔日互文也

教田獵

禮是月也天子乃教於田獵以習五戎班馬政
註教於田獵因田獵之禮教民以戰法也五戎謂五兵弓矢矛戈戟也馬政謂齊其色度其力使同乘也校人職曰凡軍事物馬而頒之
增月令章句
季秋之月天子乃教於田獵習五戎班馬政其出以順時取禽其禮將軍執晉鼓師率執提旅率執鞞以教坐作

進退疾徐之節

主祠祭禽

原禮命僕及七騶咸駕載旌旒授車以級整設於屏外司徒摺扑北面誓之天子乃厲飾執弓挾矢以獵命主祠祭禽於四方
註僕戎僕及御夫也七騶謂趣馬主為諸官駕說者也級等次也整正列也設陳也屏所田之地門外之蔽以所獲禽祀四方之神

月令輯要

卷十六 九月令 政典 早

趣獄刑

原禮乃趣獄刑毋畱有罪
註殺氣已至有罪者即決也

收祿秩供養

原禮收祿秩之不當供養之不宜者
註天氣殺而萬物咸藏可以去之也祿秩之不當恩所增加也供養之不宜者

宜欲所食者熊蹯之屬非常食

以犬嘗稻

原禮是月也天子乃以犬嘗稻
註稻始孰也

獻功裘

原禮天官司裘
註季秋獻功裘以待頒賜
註功裘人工微麤謂狐青麤裘之屬卿大夫所服

除道

原國語先王之教曰雨畢而除道
又夏令曰九月除道
增王居明堂禮季秋除道致梁以利農

淮南子季秋之月通路除道從境始至國而後已唐書百官志凡津梁道路治以九月

冬裘具原國語隕霜而冬裘具注孟冬則天子始裘故九月可以具之夏小正王始裘傳王始裘

者何也衣裘之時也

宣布令德增國語六日無射所以宣布哲人之令德示民軌儀也注九月日無射乾上九也九月陽氣收藏萬物無射見者故可

以徧布前哲之令德示民道法也

出火原夏小正主夫出火傳主夫也者主以時縱火也廣義注夫當作火古者季春出火所以焚萊

於是民用之火於田野者不禁季秋雖納火然而火之用有不可廢如昆蟲既蟄而以火田之類於是主

月令輯要卷十六 九月令 政典 望

火度其用而出之民不得擅其用而不禁也

徒杠成增孟子歲十一月徒杠成趙註周十一月夏九月可以成步度之功

郡守符增漢書文帝紀二年九月初與郡守為銅虎符竹使符注應劭曰銅虎符第一至第五國

家當發兵遣使者至郡合符符合乃聽受之竹使符皆以竹箭五枚長五寸鐫刻篆書第一至第五師古

日與郡守為符者謂各分其半右留京師左以與之

勸農賜租增漢書文帝紀二年九月詔曰農天下之大本也民所恃以生也而民或不務本而

事末故生不遂朕憂其然故今茲親率羣臣農以勸之其賜天下民今年田租之半

親策賢良

漢書文帝紀十五年九月詔諸侯王公卿郡守舉賢良能直言極諫者上親策之

傅納以言註傳讀曰敷敷陳其言而納用之

振飢

漢書武帝紀元鼎二年九月詔曰仁不異遠義不辭難今京師雖未為豐年山林池澤之饒

與民共之今水潦移於江南迫隆冬至朕懼其飢寒不活江南之地火耕水耨方下巴蜀之粟致之江陵遣博士中等分循行諭告所抵無令重困

吏民有振救飢民免其厄者具舉以聞

減鹽賈

漢書宣帝紀地節四年九月詔曰朕惟百姓失職不贍遣使者循行郡國問民所疾苦

吏或營私煩擾不顧厥咎朕甚閔之今年郡國頗被水災已振貸鹽民之食而賈咸貴衆庶重困其減天

月令輯要

卷十六

九月令

政典

聖

下鹽

上繫囚

漢書宣帝紀地節四年九月詔曰令甲死者不可生刑者不可息今繫者或以掠辜若

飢寒瘐死獄中何用心逆人道也朕甚痛之其令郡國歲上繫囚以掠笞若瘐死者所坐名縣爵里丞相

御史課殿

最以聞

舉博士

漢書成帝紀陽朔二年九月詔曰儒林之官四海淵原宜皆明於古今溫故知新通達

國體故謂之博士否則學者無述焉為下所輕非所以尊道德也丞相御史其與中二千石二千石雜舉

可充博士位者

使卓然可觀

齊居決事

增漢書刑法志宣帝選于定國為廷尉求明察寬恕黃霸等以為廷平季秋後請讞

時上常幸宣室齊居而決事獄刑號為平矣

官候

原淮南子九月官候注候望也是月繕修守備故曰官候也

置酒賜租

增後漢書光武帝紀建武十九年九月幸南陽進幸汝南南頓縣舍置酒會賜吏人

復南頓

田租歲

行稼觀穫

增後漢書章帝紀建初七年九月甲戌幸偃師東涉卷津至河內下詔曰車駕行秋

稼觀收穫因涉郡界皆精騎輕行無它輜重不得輒修橋道遠離城郭遣吏逢迎刺探起居出入前後以

月令輯要

卷十六 九月令 政典

聖

為煩擾動務省約但患不能脫粟瓢飲耳所過欲令貧弱有利無違詔書隋書高祖紀開皇三年九月壬

子幸城東

觀稼穀

勞饗賜錢

增後漢書章帝紀建初七年九月己酉進幸鄴勞饗魏郡守令已下至於三老門闌

走卒賜錢各有差勞賜常山

趙國吏人復元氏租賦三歲

祠心星

增後漢書禮儀志季秋之月祠星於城南壇心星廟

辟雍鄉射

增漢官儀辟雍去明堂三百步車駕幸辟雍從北門入九月於中行鄉射禮

增俸賜帛

增晉書武帝紀泰始三年九月甲申詔曰古者以德詔爵以庸制祿雖下士猶食上

農外足以奉公忘私內足以養親施惠今在位者祿不代耕非所以崇化之本也其議增吏俸賜王公以下帛各有差

策試諸生

增宋書文帝紀元嘉二十三年九月己卯車駕幸國子學策試諸生荅問凡五十九

人

課墾殖

增宋書孝武帝紀大明七年九月乙卯詔曰近炎精亢序苗稼多傷今二麥未晚甘澤頻

降可下東境郡勤課墾殖尤弊之家量貸麥種

年高致仕朝參

增舊唐書太宗紀貞觀二年九月丙午詔內外文武羣官年高致仕抗表

月令輯要

卷十六

九月令

政典

醫

去職者叅朝之日宜在六品見任之上

兩都舉選

增舊唐書代宗紀廣德二年九月己未左丞楊綰知東京選禮部侍郎賈至知東都

舉兩都分舉

選自至始也

圖形凌烟閣

增舊唐書德宗紀貞元五年九月壬戌詔以褚遂良已下至李晟等二十七人

圖形於凌烟閣以繼國初功臣之像

有年賜酺

增唐書太宗紀貞觀二年九月壬子以有年賜酺三日

禁芻牧

增唐書太宗紀貞觀四年九月壬午王公禁芻牧於古明君賢臣烈士之墓者

縱囚來歸

增唐書太宗紀貞觀七年九月縱囚來歸皆赦之

宴老賜杖

原唐書明皇紀開元二年九月丁酉宴京師侍老於含元殿庭賜九十以上几杖八十以上鳩杖婦人亦如之賜於其家

授衣假

增唐書選舉志四門學生補太學太學生補國子學每歲九月有授衣假

免課役

增唐書食貨志凡新附之戶秋以九月課役皆免

置弘文館

增唐會要武德九年九月太宗即位於弘文殿聚四部羣書二十餘萬卷於殿側置

弘文館選天下賢良文學之士虞世南褚亮姚思廉歐陽詢蔡允恭蕭德言等以本官兼學士令更宿直

月今輯要

卷十六 九月令 政典 墨

聽朝之隙引入內殿講論文義商榷政事或至夜分方罷貞觀初令褚遂良檢校館務號館主因為故事

其後有張太素劉禕之范履冰相次為館主

開通濟渠

增唐會要開元二十八年九月魏州刺史盧暉開通濟渠引流至州城夾州置樓百

餘間以貯江淮之貨

檢校權量

增通鑑武德八年九月癸卯初令太府檢校諸州權量

經筵宴賜

增宋史禮志元祐二年九月經筵講論語徹章賜宰臣執政經筵官宴於東宮帝親

書唐人詩賜之

增置修撰

增燕翼詒謀錄政和六年九月手詔天下人才富盛趨事赴功者衆不足以待多士

可增置直徽猷閣直顯謨閣直寶文閣直天章閣秘閣修撰集英殿修撰凡九等

文苑英華

增麟臺故事淳化七年九月詔翰林學士承旨李昉等閱前代文集撮其精要以類

分之爲文苑英華續命翰林學士蕙易簡等共成之雍熙三年上之凡一千卷

朝陵拜墓

增乾淳歲時記是月遣使朝陵如寒食儀都人亦出郊拜墓用繇毳楮衣之類

賜錦袍

增玉海景德元年九月河北轉運使劉綜言每歲朝廷遣使賜邊城冬服諸軍將校皆給

錦袍惟轉運使副止效阜花丁亥并賜河東陝西三路使副方勝練鵲錦袍

月令輯要

卷十六 九月令 政典

異

訓閱弓手

增玉海慶曆二年簡河東弓手武勇者爲義勇陝西弓手爲保捷每歲九月農隙訓

閱

編太平故事

增玉海慶曆三年九月樞密副使富弼請考祖宗故事可行者爲書置在二府

俾爲模範得以遵守上嘉其奏丙戌命史館檢討王洙集賢校理余靖歐陽修秘閣校理孫甫等同編命弼領之名曰太平故事四年九月

賜軍士羊裘

增玉海康定元年九月辛酉賜陝西軍士羊裘言者以塞土苦寒請以羊裘賜

戰士一裘用五年皮聽軍士自製

燕澄碧殿

增玉海淳熙四年九月丙辰詔侍讀史浩錫燕澄碧殿浩進古詩三十韻御製俯同

其韻云皓首持六經日侍明光裏翼乎鴻遇風縱矣魚在水脊言澄碧行勝賞得紆趾亦屢引公卿對此談政理虛心欲受人忠言資逆耳朕瘠天下

肥至樂無易此期爾罄嘉謀使我勳業起

備歉歲

增金史太宗紀天會五年九月丁未詔曰內地諸路每耕牛一具賦粟五斗以備歉歲

賜絹絮

增金史熙宗紀皇統元年九月戊申詔賜鰥寡孤獨不能自存者人絹二疋絮三斤

民用

授衣

原詩九月授衣傳九月霜始降婦功成可以授冬衣矣增張協七命白商素節月既授衣天凝

月令輯要

卷十六 九月令

民用

聖

地閉風

厲霜飛

叔苴

原詩九月叔苴疏叔拾也苴麻之有實者也以麻九月初熟拾取以供羹菜其在田收穫者猶

納倉以供

常食也

采茶薪樗

原詩采茶薪樗樗惡木也疏樗唯堪為薪故云惡木茶以為菜樗以為薪各從所

宜而立

文耳

築場圃

原詩九月築場圃箋場圃同地自物生之時耕治之以種菜茹主物盡成熟築堅以為場

伐薪為炭

原禮是月也草木黃落乃伐薪為炭注伐木必因殺氣淮南子昂星中則收斂畜積

伐薪

木

樹麥

原夏小正樹麥傳鞠榮而樹麥時之急也增管子桓公曰寡人欲毋殺一士毋頓一戟而辟方

都二為之有道乎管子對曰涇水十二空汝淵洧浩滿三之於乃請以令使九月種麥日至日穫則時雨未下而利農事矣桓公曰諾令以九月種麥日至而穫量其艾一收之積中方都二故此所謂善因天時

辯於地利而辟

方都之道也

備藏

原國語草木節解而備藏注備收藏也月令季秋農事畢收

作葵菹

增四民月令九月作葵菹乾葵

月令輯要

卷十六

九月令

民月

哭

藏苡薑

增四民月令九月藏苡薑注字林曰薑御涇之菜苡音紫齊民要術薑九月掘出置屋中

中國土不宜薑僅可存活勢不滋息種者聊擬藥物小小耳

九月事宜

增四民月令九月治場圃塗困倉修竇窖繕五兵習戰射以備寒凍窮厄之寇存問

九族孤寡老病不能自存者分厚徹重以救其寒

收青桐子

增雜五行書青桐九月收子

雲母芝

增抱朴子雲母芝生於名山之陰青蓋赤莖味甘季秋以竹刀採之陰乾治食使人身光

壽千歲

白醪酒

增食經作白醪酒法生秣米一石方麴二斤細剉以泉水漬麴密蓋再宿麴浮起炊米三斗酸之使和調蓋滿五日乃好

藏蕺荷

增齊民要術蕺荷九月中取蕺荷一斗末旁生根為菹亦可醬中藏之

大豆葉

增齊民要術大豆九月中候近地葉有黃落者速刈之注葉少不黃必浥鬱刈不速逢風則葉落盡遇

種蒜

增齊民要術蒜宜良輦地三遍熟耕九月初種種法黃鳴時以耨耕逐壟手下之五寸一株

取茄子

增齊民要術茄子九月熟時摘取擘破水淘子取沉者速曝乾裏置至二月畦種

藏蟹

增齊民要術藏蟹法九月內取母蟹得則水中勿令傷損及死者一宿腹中浮先煮薄糖著活蟹於冷糖甕中一宿著蓼湯和白鹽特須極鹹待令甕盛半汁取糖中蟹內著鹽蓼汁中便死泥封二十

日出之舉蟹臍著薑末還復臍如初內著坩甕中百箇各一器以前鹽蓼汁澆之令沒密封勿令漏氣便成矣特忌風裏

則壞而不美也

冬米明酒

增齊民要術冬米明酒法九月漬清稻米一斗擣令細末沸湯一石澆之麴一斤末攪和三日極酢合二斗釀米炊之氣刺人鼻便為大發攪成用方麴十五斤酸之米三斗水四斗合和釀

也

鄣酒

增齊民要術作鄣酒法以九月中取秣米一石六斗炊作飯以水一石宿漬麴七斤炊飯令冷

酸麴汁中覆甕多用荷箬令酒香燥復易之

禳火災

原千金方九月內於戌地開坎深二三尺埋炭五斤土覆之戌為火墓地以禳火災

禰祭

原朱子家禮集說禰祭考曰禰禰近也季秋擇日而祭程子曰季秋成物之始亦象其類而祭

之

天南星

增本草綱目天南星即虎掌九月采根去皮臍入器中湯浸五七日日換三四遍洗去涎

暴乾用或再火炮製用

月令輯要

卷十六

九月令

民月

五

烈節酒

增本草綱目烈節生榮州多在林箐中莖葉俱似丁公藤而纖細無花實九月采莖暴乾

楊倓家藏經驗方有烈節酒治歷節風痛

菰米

增本草綱目菰米一名彫胡九月抽莖開花如葦芽結實長寸許霜後采之大如茅針皮黑褐

色其米甚白而滑膩作飯香脆杜甫詩波漂菰米沉雲黑即此

赤瓜

增本草綱目赤瓜棠椽子山榼一物也九月霜後取帶熟者去核曝乾或蒸熟去皮核搗作餅

乾用

枸骨樹子

增本草綱目枸骨樹如杜仲詩云南山有枸是也結實如女貞及菝葜子九月熟時

緋紅色人采其木皮煎膏以粘鳥雀謂之粘鵲

採棗 原本草凡棗九月採日曬乾補中益氣久服神仙

刈苕帚 增經世民事錄苕帚即獨掃屋側路旁皆可種以草繩束腰九月刈取以石壓匾收之

乾地黃 增忘懷錄造乾地黃法九月末掘取肥大者去鬚熟蒸微曝乾又蒸微曝食之如蜜可停

久 增遠

蛇黃 增名勝志平南縣蛇黃岡在縣北四里岡勢盤紆出蛇黃每歲九月邑人掘深七八尺始得大

如雞子小者如彈丸其色紫磨之可傳腫毒尤治小兒驚癇

月令輯要卷十六 九月令 民用 至

忙月 增嘉興縣志九月藝麥豆栽桑築場子婦竭作亦謂之忙月

三勒漿 原遵生八牋九月宜合三勒漿用訶梨勒批梨勒菴摩勒三味和核搗如麻豆大用三兩

次用蜜一斗以新汲水二斗調勻傾甕中即下三勒熟攪密封三四日後開又攪之以乾淨布拭去汗蜜

封共三十日方成味甚美飲之消食下蒸

天道南行 原遵生八牋是月也天道南行作事出行俱宜向南

益肝氣 增雲笈七籤季秋肝藏氣微肺金用事宜減辛增酸以益肝氣助筋補血以及其時

趙孟頫九月耕詩 增人力多春磨常不停激水轉大輪

磴碾亦易成古人有機智用之可厚生朝出連百車
莫入還滿庭勾稽數多寡必假布算精小人好爭利
晝夜心營營君子貴
知足知足萬慮輕

趙孟頫九月織詩

增季秋霜露降稟寒氣生是月當授衣有布織未成天寒催刀尺

機杼可無營教女學紡繭舉足疾且輕舍南與舍北
嘒嘒聞車聲通都富豪家華屋貯娉婷被服雜羅綺
五色相間明聽說貧
家女惻然當動情

物候

桑落

增詩桑之落矣其黃而月
隕箋謂其時季秋也

月令輯要

卷十六 九月令 物候

三

蟋蟀在堂

原詩蟋蟀在堂傳蟋蟀蝥也九月在堂
又九月在戶疏九月則在室戶之內

草蟲鳴

增詩嘒嘒草蟲箋草
蟲鳴晚秋之時也

鴻鴈來賓

原禮鴻鴈來賓疏上仲秋直云鴻鴈來今
季秋云來賓以仲秋初來則過去故不云

賓今季秋鴻鴈來賓者容止未去也猶如賓客故云
集說鴈以仲秋先至者為主季秋後至者為賓如先
登者為主
人從之以登者為客也夏小正遷鴻鴈傳
遷往也增淮南子候鴈來賓註賓雀者老雀也棲宿
人家堂宇之間如賓客也詩紀

歷樞天霜樹落葉而鴻鴈南飛

爵為蛤

原禮爵入大水為蛤註大水海也夏小正爵
入於海為蛤傳爵入於海為蛤蓋有矣非常

入也

鞠有黃華

原禮鞠有黃華註鞠本又作菊集說鞠色不一而專言黃者秋令在美金自有五色

而黃為貴故鞠色以黃為正也夏小正榮鞠傳鞠草也增陶潛詩秋菊有佳色裛露掇其英楊炯庭菊賦

鬱兮蔓衍郁兮芬芳珉枝金萼兮翠葉紅芒秋星下照金氣上騰風蕭蕭兮瑟瑟霜刺刺兮稜稜當此時也弱其志強其骨

獨歲寒而晚登

豺祭獸

原禮豺乃祭獸戮禽疏禽獸皆殺之但殺獸而陳戮禽則殺之而已不以為祭增獸經

豺祭以獸其陳也方秋獵候也

月令輯要

卷十六 九月令 物候

三

蟄蟲咸俯

原禮蟄蟲咸俯在內皆瑾其戶疏俯垂頭也瑾塗也前月但藏而坏戶至此月既寒

故垂頭向下以隨陽氣陽氣稍沉在下也而又塗塞其戶穴以避地上陰殺之氣也

陟元鳥蟄

原夏小正陟元鳥蟄傳陟升也元鳥者鷲也先言陟而後言蟄者何也陟而後蟄也

蟄獸

原夏小正熊羆貉貉則穴也廣義注此周官所謂蟄獸也

樹槐

原淮南子其樹槐註槐懷也可以懷來遠人也

鬼目樹

增廣州記鬼目樹似棠梨葉如楮皮白樹高天如木瓜而小邪傾不周正味酢九月熟

仙人桃

增洛陽伽藍記景陽觀山南百果園有仙人桃其色赤表裏照徹得嚴霜乃熟亦出崑崙

山一日王

母桃也

柿葉赤

增韓愈遊青龍寺詩秋灰初吹季月管日出
卯南暉景短友生招我佛寺行正值萬株紅

葉滿光華閃壁見神鬼赫赫炎官張火傘然雲燒樹
大實駢金烏下啄賴虬卵志林韓退之青龍寺詩終

篇言赤色莫曉其故嘗見小說鄭虔寓青龍寺貧無
紙取柿葉書九月柿葉赤而實紅則退之詩乃謂此

也

合掌柏

增酉陽雜俎汝西有練溪多異
柏及暮秋葉上斂俗呼合掌柏

鴛鴦菊

增曲洧舊聞草烏頭近畿如嵩少具茨諸山
亦多有之花開九月色青可愛玩人多移植

月令輯要

卷十六

九月令

物候

蓄

園圃號鴛鴦菊
蓋取其近似耳

拒霜花

增錦繡萬花谷拒霜花樹叢生葉大而
其花甚紅九月霜降時開故名拒霜

鴈來紅

增本草綱目鴈來紅莖葉穗子並與雞冠同
其葉九月鮮紅望之如花故名吳人呼為老

少

辛夷實

增本草綱目辛夷其樹似杜仲子似冬桃而
小九月采實暴乾去心及外毛毛射人肺令

人

香薷

增本草綱目香薷中州人呼為香菜方莖尖葉
九月開紫花成穗有細子細葉者僅高數寸葉

如落蒂葉卽其莖收斂葉青圓收斂葉二三月
石香蒿也

兔絲子

增本草綱目兔絲子蔓延草木之上九月采實曝乾色黃而細者為赤綱色淺而大者為

菟

女貞

增本草綱目女貞葉似冬青樹其實九月熟黑似牛李子

水仙

增本草綱目水仙花葉似蒜其花香甚清黃

南燭

增本草綱目南燭是木而似草故號南燭草木其子如茱萸九月熟酸美可食

蔓荆

增本草綱目蔓荆生水濱苗莖蔓延長丈餘九月有實黑斑大如梧子而虛

月令輯要

卷十六

九月令

物候

薑

補骨脂

增本草綱目補骨脂俗訛為破故紙生嶺南諸州及波斯國莖高三四尺葉小似薄荷花

微紫色實如麻子

茵陳

增本草綱目山茵陳其莖如艾其葉如淡色青蒿而背白葉歧緊細而扁整九月開細花黃色

結實大如艾子花

九仙子

增本草綱目九仙子出均州太和山一根連綴九枝大者如鷄子小者如半夏白色葉如

烏柏葉而短扁不圓每葉極生子

葦茛

增本草綱目葦茛嶺南有之多生竹林內叢高三四尺其莖如筋葉青圓如蕺菜潤二三寸如

桑面光而厚開花白色結子如小指大青黑色類樵子而長九月收采曝乾南人愛其辛香或取葉生茹之

麩條魚

增燕山叢錄寶坻銀魚都下所珍北人稱為麩條魚形似東吳鱸鱖而倍大出海中蛤山

下秋深霜降止溫泉產子映日望之波浪皆成銀色人每候其至網之

綠薺

增下伯玉薺賦終風掃於暮節霜露交來夏於杪秋有萋萋之綠薺方滋繁於中丘

蒲萄熟

增白樂天蒲萄詩九月肅霜初熟時寶璫碌碌珠纍纍

占驗

月令輯要卷十六 九月令 物候 美

愆候

原禮季秋行夏令則其國大水冬藏殃敗民多

注未之氣乘之也又行冬令則國多盜賊邊竟不寧土多分裂注丑之氣乘之也又行春令則暖風來至民氣解惰師興不居注辰之氣乘之也

粟米占

增師曠占粟米常以九月為本若貴賤不時以最賤之日為本粟以秋得本貴在來夏以冬得本貴在來秋此則其至驗也

歲陰在戌

增史記天官書闔茂歲歲陰在戌星居巳以九月與翼軫辰出曰天睢白邑大明其

失次有應見東壁歲水注索隱曰爾雅在戌曰闔茂孫炎云萬物皆蔽冒故曰闔茂

九日晴雨

原田家五行重九日晴則冬至元日止元清明四日皆晴雨則皆雨諺云重陽無雨

一冬晴又諺云九日雨米成脯又云重陽濕漉漉穰草錢千束四時占候九月雨大宜收禾又云九月九日是雨歸路日有雨來年熟

以日占月原戎事類占自一日至九日以日占月遇此日風則此月穀賤

雷占原戎事類占九月雷主穀貴

霜雨占原戎事類占霜不下則來年三月多陰寒多雨主米貴增文林廣記九月庚辰辛卯日雨

主冬穀貴一倍

朔值占原雜占朔日值寒露主冬不五主米變貴寒嚴凝值霜降主歲歉

月令輯要卷十六九月令占驗

朔日風雨占原雜占朔日風雨主春旱夏雨芝麻貴又朔日東風半日不止主米麥貴

上卯日風原雜占九月上卯日北風主來年三七月米大貴東風亦然西北平平

晴占原雜占十三日晴則冬晴柴賤增嘉定縣志九月十三日為稻籬生日宜晴又云十三晴不如

十四靈十四晴釘靴掛斷鼻頭繩

虹占增文林廣記虹以九月出西方大類小豆貴又朔日虹見麻貴油貴

雹占增文林廣記九月雨雹不利牛馬

雜紀

赤爵銜書

增史記周本紀有聖瑞疏季秋之月甲子赤爵銜丹書入於鄴止於昌戶其書云敬

勝怠者吉怠勝敬者滅義勝欲者從欲勝義者凶凡事不强則不枉不敬則不正枉者廢滅敬者萬世以仁得之以仁守之其量百世以不仁得之以仁守之其量十世以不仁得之不仁守之不及其世此蓋聖

瑞尚書中候周文王為西伯季秋之月甲子赤雀銜丹書入豐鄴正於昌戶乃拜稽首受取

得玉杯

增漢書文帝紀十六年秋九月得玉杯刻曰人主延壽令天下大醜

獻白雉免

增後漢書光武紀建武十三年九月日南徼外獻白雉白兔

感夢白帝

原帝王世紀扶始以季秋下旬夢白帝遺鳥喙子旦而升丘見白虎其上有雲感已

月令輯要

卷十六 九月令

雜紀

美

而生臯陶於曲阜

上西門

增李尤上西門銘上西在季位惟戍菊黃豹察號令嚴悉

作金虎臺

增魏志建安十八年九月作金虎臺鑿渠引漳水入白溝以通河

獻汗血馬

增晉書武帝紀泰始六年獻汗血馬

無忌月

原晉書禮志穆帝納后欲用九月九月是忌月范汪問王彪之荅云禮無忌月不敢以所

不見便謂無之博士曹航荀訥等並謂無忌月之文不應有妨王洽曰若有忌月當復有忌歲

釣白蛟

增拾遺記漢宣帝元鳳二年於淋池之南起桂臺以望遠氣帝常以季秋之月泛蘅蘭雲

鷓之舟窮晷係夜釣於臺下以香金爲鈎繡絲爲綸
丹鯉爲餌釣得白蛟長三丈若大蛇無鱗甲命太官
爲鮮肉紫骨
青味甚香美

飛蛾集燭

增傅亮感物賦序余以暮秋之月述職內
禁夜清務隙遊目藝苑於時風霜初戒蟄

類尚繁飛蛾翔羽翩翩滿室赴軒幌集明燭
者必以燠滅爲度雖則微物矜懷者久之

桑再榘

增異苑漢興平元年九月桑再榘時劉元
德軍小沛年荒穀貴士衆皆飢仰以爲糧

溫泉出

增魏書靈徵志太宗泰常七年九月溫
泉出於涿鹿人有風寒之疾入者多愈

神鼎出

增魏書靈徵志高宗太和二年九月鼎出於
洛州澧水送於京師王者不極滋味則神鼎

月令輯要

卷十六 九月令

雜紀

美

出也

孝感獲瓜

增魏書宋瓊傳瓊少以孝行稱母曾病季
秋之月思瓜不已瓊夢想見之求而遂獲

時人稱異

捍虎圖

增水經注虎圈東魏太平真君五年城之以
牢虎也季秋之月親御圈上勅虎士効力於

其下事同奔戎生制猛獸卽詩所謂袒
楊暴虎獻於公所也故魏有捍虎圖

甘露宴

增南史陳宣帝紀太建七年九月甘露頻降
樂游苑丁未輿駕幸苑採甘露宴羣臣詔於

苑龍舟山
立甘露亭

鵲鵠頌

唐明皇帝鵲鵠頌并序朕之兄弟惟有五

人每聽政之後延入宮掖申友于之志詠常
棣之詩邕邕如怡怡如展天倫之愛也秋九月辛酉
有鵲鵠千數棲集於麟德殿之庭樹竟旬焉飛鳴行
搖得在原之趣昆季相樂縱目而觀者久之左清道
率府長史魏光乘預觀其事以獻其頌美其彬蔚俯
同頌云伊我軒宮奇樹青葱藹周廬兮冒霜停雪以
茂以悅恣卷舒兮連枝同榮吐綠含英曜春初兮蔚
收御節寒露微結氣清虛兮桂宮蘭殿惟所息宴棲
雍渠兮行搖飛鳴急難有有情有餘兮顧唯德涼夙
夜兢惶慙化疎兮上之所教下之所效實在予兮天
倫之性魯衛分政親賢居兮爰遊爰處爰笑爰語巡
庭除兮觀此翔禽以
悅我心良史書兮

月令輯要

卷十六 九月令

雜紀

本

河清

唐會要武德七年九月丹州言河水清又寶
應元年九月甲午太州至陝州二百餘里河清

澄澈
見底

御閣觀醵

唐會要上元元年九月甲寅御翔鸞閣
觀醵時赤縣與太常音樂分東西朋帝詔

雍王賢主東周王
顯主西因以角勝

冬蠶成繭

唐會要大曆五年九月
太原秦文水縣冬蠶成繭

書玉堂署

宋史太宗紀淳化二年九月帝飛白書
玉堂之署四字以賜翰林承旨蘇易簡

宗室座右銘

宋史真宗紀大中祥符三年九
月丁亥作宗室座右銘賜諸王

百歲補郎

增宋史理宗紀景定三年九月丁丑溫州布衣李元老讀書安貧不事科舉今已百

四歲詔補迪功郎增王言心慕博覽讀史其致仕本郡給奉燕翼館諸生習學所服冠以弁袍以

頒大晟樂

增宋史樂志政和三年九月詔大晟樂頒於太學辟廡諸生習學所服冠以弁袍以

素紗阜緣紳帶佩增玉從劉昺製也太平興國元年九月隰州獻

合穗禾

增宋史五行志太平興國元年九月隰州獻合穗禾長尺餘增玉海祥符九年九月壬戌永

靜軍言禾異壠合穗

不忌往亡

增通鑑憲宗元和十二年九月甲寅李愬將攻吳房諸將曰今日往亡愬曰吾兵少

月令輯要

卷十六 九月令 雜紀 空

不足戰宜出其不意被以往亡不吾虞正可擊也遂往克其外城斬首千餘級增陰陽家之說九月以寒

露後第二十七日為往亡

科目展限

增師友談記東坡云國朝試科目昔在八月申旬頃與黃門將試黃門忽感疾臥病

相國韓魏公知之輒奏上曰今歲召制科之士惟蘇軾蘇轍最有聲望今聞蘇轍偶病如此人兄弟中不

得一人就試甚非衆望欲展限以俟上許之軾以比常例展二十日自後試科目並在九月始試樂館

畫朝貢衣冠

增燕翼詒謀錄祥符八年九月直史館張復上言乞募朝貢諸國衣冠畫其形

狀錄其風俗以備天下增史官廣記從之

製定命寶

增燕翼詒謀錄政和七年九月辛巳製定命寶範圍天地幽贊神明保合太和萬壽

無疆為文廣
九寸號九寶

書序孝經

增金石論明皇注孝經四卷天寶四載九月八分書御製序云舉六家之異同會五

經之旨趣約文敷義分注
錯經寫之琬琰庶補將來

酒庫開清

增乾淳歲時記戶部點檢所十三酒庫例於九月初開清每庫各用正布書庫名高

品以長竿縣之謂之布牌以木牀鐵擊為仙佛鬼神之類駕空飛動謂之臺閣雜劇百戲之外又為漁父習閑竹馬出獵入仙故事命妓家女使裹頭花巾為酒家保庫妓皆珠翠盛飾銷金紅背乘繡鞦韆寶勒駿

月令輯要

卷十六 九月令

雜紀 空

騎各有阜衣黃號私身數對訶導於前浮浪閑客隨逐於後少年狹客往往簇釘持杯爭勸馬首金錢綵緞霑及輿臺所經之地高樓邃閣繡幕如雲累足駢肩真所謂萬人海也

紫芝生

增玉海貞觀十七年九月紫芝生於太廟寢室二十四莖為龍鳳形

上明良集

增玉海天禧二年九月癸酉龍圖閣待制李虛已上奉詔集羣臣所和御製詩為明

良集五百卷

詔賜器幣

賜瑞鹽

增玉海祥符三年九月辛巳賜近臣及三館秘閣解州瑞鹽

賜詞林字

增玉海至和元年九月王洙為學士仁宗嘗以塗金龍水牋為飛白詞林二字賜之

賜耕者茶帛

增玉海天聖二年九月辛卯祠太一宮駐輦賜道左耕者茶帛

賜金盆

增玉海治平三年九月丙辰夜召學士王珪至藥珠殿特詔中書除端明殿學士翌日又

賜盤龍金盆一曰知卿忠純有守故有此賜

蠻洞大設

增溪蠻叢笑富洞以九月燕為大設

鑿河取石

增遼史太祖紀天贊三年九月丁巳鑿金河水取烏山石輦致潢河木葉山以示山

川朝海宗

增遼史太祖紀天贊三年九月丁巳鑿金嶽之意

千齡節

增遼史聖宗紀統和元年九月辛未有司請以帝生日為千齡節從之

月今輯要

卷十六 九月令

雜紀 奎

獲三十六熊

增遼史興宗紀重熙五年九月獵黃花山獲熊三十六

小五臺星光

增元好問詩注繫舟山僧徒謂之小五臺九月中時有景星如佛光

持齋

增法苑珠林佛言九月者少陰用事乾坤改位萬物畢終衰落無牢衆生蟄藏神氣歸本因道

自寧故持九月一燕為大設

日齋竟十五日

增法苑珠林漢明帝永平七年九月帝夢

感夢神人

增神人長丈六面作真金色太子舍人傅毅奏稱臣聞外國淨飯王太子號悉達出家成道陛下

夢警將無感也即敕使西尋抄聖教六十萬五千言以白馬

馱還

乘雲駕鶴

增雲笈七籤秦始皇三十一年九月庚子茅盈高祖濛於華山之中乘雲駕鶴白日

昇天

御製暮秋重出居庸關詩亂榆叢柳未經霜峻嶺重巒

曉色蒼峽裏細泉流不竭仍聞太古韻鏗鏘

晉九月折楊柳歌

增甘菊吐黃花非無杯觴用當奈許寒何折楊柳授歡羅衣裳含笑

言不取

齊竟陵王子良九月侍宴詩

增月殿風轉層臺氣寒高雲斂色遙露已團式

月令輯要卷十六 九月令

雜紀 畜

詔司警言戾秋巒輕觴時薦落英可食

李賀九月樂詞

增離宮散螢天似水竹黃池冷芙蓉死月綴金鋪光脈脈涼苑虛庭空澹

白露花飛飛風草草翠錦爛斑滿層道雞人罷唱曉瓏瑤鳴金井下疎桐

雞人罷唱曉瓏瑤鳴金井下疎桐

月令輯要卷十六

07377

月令輯要卷十六

月令輯要卷十六



